

I D E A
ELOQUENTIÆ
Sive ut Vulgo vocant
Rhetoricæ.

De Periodis, Tropis, Figuris
Verborum, Figuris Sententiarum
& integræ Orationis Partibus
Methodice differens.

Ac insuper docens usum, tum
Periodos, tum Figuras, tum denique
integram Orationem, juxta artis Oratoriæ
regulas Componendi.

*Didicisse fideliter artes
Emollit mores, nec finit esse feros.*

Authore JOANNE de KERHUEL.
S. E. M.

L O N D I N I.
Venalis extat apud S. Lowndes,
E regione Exeter House 1672.

CONFIDENTIAL

[illegible][illegible]

regulas Compositas, &
interdum Quasdam, juxta artis Ordinem
Periodos, tam Figuratas, tam denudas
Ac insuper, docens, quomodo, tam

Diebstahl

Enochian music, the first of the series.

JOHN W. KERRILL

LONDON

1917

ILLUSTRI ac GENEROSO
DOMINO
D. HENRICE FINCH
EQUITI AURATO,
Serenissimi Magnæ Britanniae,
REGIS
ATORNATO GENERALI.

Vir Amplissime,

DUæ sunt artes quæ pos-
sunt locare Hominem
in amplissimo gradu
dignitatis, una ducis
exercitus, altera oratoris boni; &
sane vix inter Cæteras aliam
inveneris cui par ac prædictis ho-
nor deberi videatur; ratio in promp-
tu est; gloria enim ex arduis de-
promitur, ita ut in magnis vel vo-
luisse solummodo sat esse asserat ada-
gium

gium, quasi apud omnes in Confesso
esset solam rei suscipiendæ arduita-
tatem, satis superque susceptorem
gloria circumfundere, etiam non ex
voto cadente successu. Nunc autem
ubi quæso difficultas occurrit major?
quam ubi vitæ, & honoris qui cui-
vis vita multo charior esse debet,
præsentissimum imminet discrimen,
quale incumbere Citra dubium est,
& exercitus principi, & oratori,
itaque cum non Oratorem modo, sed
& Philosophum alloquar, superva-
caneum prorsus esse judico hanc e
meis præmissis necessario sequutu-
ram elicere Conclusionem, unam
scilicet e duabus ad summæ gloriæ
assequendum apicem, viam esse ar-
tis Oratoriæ studium.

Hoc igitur duntaxat subnectam,
nimirum cum liberaliter educati, ac
excel-

excellentibus ingenis præditi ex-
citantur spe gloria, immo vero cum
etiam optimi quique ducantur lau-
dis studio, non ingratam me hujus-
ce legitimæ gloriæ avidis navatu-
rum operam credidi, si ipsorum gra-
tia, ideam practicæ Eloquentiæ,
nec non Methodicæ Rhetoricæ spe-
cimen Elucubrare, ac demum in
lucem edere animum induxerim;
quod & ideo feci libenter, & li-
bentissime nunc typis Configno.

Jam vero illustrissime Domine,
nentiquam dubitandus hæsit ani-
mus cujus sub auspicio Lucem adi-
ret hæc præ omnibus longe nobilif-
sima ars, ipsamet enim sua sponte
(quod salva tua dignitate dixe-
rim) ipsamet inquam sua sponte qua-
si de te meritissima tuum protinus

ex-

exultabunda sibi designavit patroci-
nium, non aliam me sibi notare so-
dem, nedum proponere passa est;
fisa firmissime non alibi fore gratio-
sius hospitium advenæ Eloquentiæ
quam apud facundissimum totius
Britannici fori & soli oratorem.
Ipsius tam avido & justo nutui
Confestim pari exultatione morem
gessi, teque quadam cum illa æmu-
latione hujusce liberalissimæ artis
benignum adstare patronum, ea qua
decet Reverentia submisce deprecor
cum Patrociniū implorem, res
videretur & esset sane prorsus ludi-
cra, ideam hanc cujusdam tuorum
quæ dudum sensi, & adhuc sentio
beneficiorum, gratitudinis insigni-
re titulo, hanc quia parem non pos-
sum retribuere, ex animo tibi ob-
testor ab eo qui plus quam abunde

par

par est beneficia benefactoribus
reddere centuplo.

Non est igitur generosissime
domine, non est inquam ullius
grati nota vel obses animi hoc lite-
rarium munus; quin immo mag-
nus erit multis jam receptis benefi-
ciis accessus, si ideam hanc (ut a
tua mihi audeo polliceri benignita-
te) non dedigneris tuo decorare
patrocinio; sicque firmioribus ad-
huc detinebor vinculis semper &
ubique apparere,

Illustris tue Generositatis

Humilis Cultor

Joannes de Kerhuel.

S. E. M.

non est beneficium beneficiorum
reddere contumelo.

Non est igitur generosissime
domine, non est ingratum illius
grati non est obsequium hoc sit
carum minus; quia minus mag-
nus est minus iam recipis benefi-
cium accessus, si idem daret (ut a
tua mihi auctor potest per benignita-
te) non de dignitate tuo decorare
patrocinio; sique in minoribus ad-
hoc distinctior vinculis semper
spidine apparere.

Illustris tue Generosissime

Almida Cuius

Joannes de Kerpach.

IDEA ELOQUENTIAE

Sive ut Vulgo Vocant

RHETORICÆ.

Præfatio.

Fons vera intelligentia est vera rei
reputatio, & error in definitione se
multarum Confusionum erit. Cum
igitur totius primatus, vel principum
fons intelligendi in definitione con-
stat, ingredientem in Rhetoricam ar-
te oratoria Candidato pervenienda est prima
eius definitio. Quæ sit à peritioribus magistri in-
stitutus.

Rhetorica est ars bene, ornateque differendi
sive voce, sive scripto.

Ex prædicta hac definitione præcognita quædam;
sive ut à Græcâ vocatur, *enkyklios* sive *spôn-*

te nobis tractanda offerunt, nec immerito quidem, neque extra usum. in aliis disciplinis vitam ac familiarem.

Cum enim artium & disciplinarum tractationi, ordinarie professores talium artium, præmittant quasi præfationis Loco, Capita quædam de earum genere, objecto, fine, partibus, mutuâ ab invicem divisione, de dignitate insuper, antiquitate & utilitate, quæ ideo præcognita sive *προκαταγνωστα* nuncupantur, idem etiam in aditu Limineque Rhetoricæ mihi censui observandum, nec denegari justè debet, *Ἀρτί* inter alias præclarissima.

PROLEGOMENA RHETORICÆ.

PErstringo itaque quædam duntaxat, de utilitate ejus, Dignitate & Antiquitate nihil (brevitatis studio) dicam, nonnulla tantum quæ ab ejus fluunt definitione, & ad dilucidiores illius intelligentiam non parum conducunt, præfari Libet, ac primò quidem ejus genus, nimirum *Rhetoricæ* est ars, quod vel ex ipsamet artis definitione satis superque patet. Artem enim ex *Aristotele* lib. *Eth.* Cap. 4^o. est *ἡ τέχνη καὶ τῆς λόγου ποιητικῆς* hoc est, habitus cum rectâ ratione effectivus; & proinde cum *Rhetoricæ* aliquid efficiat Extra mentem Rhetoris sive relinquat opus externum post se, periodos scilicet, Figurâs, Orationes Conscriptas à Rhetore, sequitur sane eam esse artem.

Quod adhuc sic insinuat.

Haud quæso accidit hominem in foro judicia-

rio

rio, five in aliquo publico cœtu Lequentem. Oleum & Operam perdere in casum & sine ullo fructu causas suas dicere, alium autem feliciter succedere, propositum sibi finem assequi. Auditorum animos Commovendo, Litē vincendo; denique quidquid sermō intendit, auditoribus persuadendo, sine hęc differentiā tam variū successus videtur ab hac unica ratione procedere, quod ille temere, nullā ratione, nullā methodo servatā loquatur; hic verō Callidius, prudentius se gerat, adhibendo scilicet ad sui finis assequutionem, certorum mediōrum, certę ejusdā methodi, utrumque adhibitiō, vel ulus Methodi. Certę, certorumque mediōrum ad finem Conducentium, maximasane est ars, & Consequenter cum Rhetorica sit doctrina utendi tali Methodo, talibusque medijs, non sine magnā ratione ars denominatur, & est, iusteque legitimum ejus genus. Dicoimus esse artem, & Hoc solummodo ad Nobilissimā, hujus artis Gloriam observare Convenit, eam videlicet non esse artem Mechanicā, sed Spiritualem, cujus opera licet Externa, non tamen ut opera artis Mechanicę, ita sensibus palpantur externis, sed efformatione potius intellectus Conficiuntur, & hęc de genere Rhetoricę, illam quod dicitur, Quod genus ad certam speciem restringitur, per hanc differentiā supradictā, in definitione Rhetoricę, his verbis, *Rhetorica est ars bene ornateque disserendi siue loquę siue Scriptę*, &c. *Epistola* &c. Hac enim differentiā notatur primō Rhetoricę objectum, quod est discursus, siue Oratio, necnā quam Construendam occupatur Rhetorica, sed ita notatur ut clare appareat eam circa orationem dūge diverſo modo versari, quā versatur vel *Orator*, vel *Legis*, fateor enim hanc duarum artium objectum esse quoque orationem, inam utraq; circa eam versatur, sed ut dicitur

triâ, & membrorum iustâ proportionē dispositos, quos vocamus periodos, adhibet magnam figurarum catervam, adhibet denique orationes integras, diversis partibus, diversoque dicendi genere tum claritatis, tum rerum tractandarum gratiâ elaboratas, recteque dispositas, quæ omnia integrantes Rhetoricæ partes possunt nuncupari, & ejus Corpus efformant, planeque absolunt, ac promde harum partium recta Cognitio & usus, insignem perfectumque reddent oratorem, eas igitur sic ordine, clareque perscrutemur, ac primo quidem Loco Periodum, quasi primam Rhetoricæ partem integram.

Prima RHETORICÆ Pars.

CAPITULUM PRIMUM.

De Periodo in Genere.

AD perfectam Periodi notitiam, opere pretium est nosce primo ejus naturam, definitionem, divisionem, membra, Copulas sive nexu, & ornamenta.

Quoad naturam spectat, in hoc Consistit, quod sit apta & numerosa verborum Congeries, mensura quâdam & magnâ Concinnitate disposita, & quæ insuper rei de quâ tractatur sensum absolvit, sive Concludit, ita ut hæc verborum Congeries totus aliquis sensus Contineatur, adeoque pleno auditui manifestetur, ut ad talis rei notitiam necnon Comprehensionem nihil amplius desideret auditor.

Bonæ naturæ Periodi habent hæc

Hac Similitudine rem dilucido; *Homo est Animal.*

His Verbis sensus integer Continetur nimirum hominem esse animal, ita ut in hac Sententiâ sive propositione satietur abunde intellectui dum illi certa aliqua & finita notitia de Homine affirmatur; Idem plane Exequitur *Periodus*, Certum scilicet sensum & finitum auditori ita declarat, ut audita perceptaque Periodo quietus maneat ac plene satisfactus auditoris intellectus, & hoc cum simplici propositione Commune habet Periodus, sed in hoc ab ea differt.

Primò propositio est sententia in quâ aliquod prædicatum de subiecto affirmatur, at *Periodus* est Compages quædam & Combinatio multarum propositionum aptâ Connexione & unione inter se Compactarum.

Secundò in propositione ponuntur tantum Expressè tres termini, scilicet, Subiectum, Prædicatum, & Cópula, ut *Homo est Animal*, nix est alba; in *Periodo* verò Cujusque propositionis membra ornantur Epithetis variis, & amplificationis, delectationisque gratiâ multis aliis selectis vocibus, ut Interjectionibus, Adverbiis, Copulis, Clausulis illustrantur; unde accidit in periodo ad unius sensus manifestationem varias propositiones longe latèque deductas simul Combinari, quod non tamen inutiliter neque superflue fit, quia hoc modo & hac inventione Combinandi ad invicem varias propositiones ad unam duntaxat rem significandam, recreat non parum orator auditorum animos, eorumque acuit attentionem; ac proinde non frustra facit per plura, quod posset facere per pauciora, hoc est, non sine fructu nec inaniter adhibet varias propositiones ad id significandum, quod vel unica posset indicare propositione, & hæc est periodi natura quæ hac definitione Continetur.

Periodus

Periodus est ornatus quidam verborum ambitus, certis quibusdam membris ita aptè & Concinne distinctus, ut tanquam in orbe inclusa Currat oratio, totum aliquem sensum continuans, comprehendens, circumscribens & finiens.

Unde etiam *Periodus* vocatur à Tullio non tantum ambitus aut *Circuitus* verborum, sed & *Comprehensio*, *Continuatio*, *Circumscriptio*.

Hac definitione natura *Periodi* supra explicata, vestris adhuc oculis satis clarè exponitur, quare illam ab omnibus sufficienter jam perceptam non moror fusius explanare, & ad ejus divisionem pergo.

CAPUT II.

De Divisione Periodi.

P*eriodus* igitur multiplex est, sed eas inter quæ sunt majoris momenti, quæque non vulgari arte. Elaborari indigent, ac consequenter summe ornant orationem, peculiareque artis oratoriae Candidati exposcunt studium, tres præcipue recensentur, prima, est bimembris, secunda, trimembris, tertia, quadrimembris.

CAPUT III.

De Bimembri Periodo.

Bimembris Periodus ea est quae duobus Cohæret Membris, atque componitur ubi observandum omnem Periodum ad Minimum bimembrem esse, cum enim Membrum Periodi non aliud sonet, quam integram Propositionem Constantem tribus terminis principalibus, subjecto scilicet, prædicato & Copula, aliisque interjectitiis partibus, ut adverbis, Nexibus, Epithetis quæ tamen ad essentiam propositionis non pertinent, nec partes ejus integrales reputantur: Cumque Periodus sit (ut dixi) quædam propositionum artificiosa Combinatio & reduplicatio, necesse plane est omnem Periodum ad minimum bimembrem esse.

Nunc autem partes Periodi duæ sunt, prima vocatur græcè voce *πρὸς* a verbo *προσέλω* quod significat prætendo, obtendo, quia Conclusioni in periodo instar sicuti prætenditur & obtenditur protasis, hoc videtur ab auditore in dubium vocari, vel negari veritas ut energia Periodi.

Secunda pars periodi vocatur græco quoque nomine *ἀποδοσις* Latine sonat redditio, est enim quoddam quasi schema jucundissimum, quo præcedenti membro, vel etiam pluribus in *ἀποδοσὶ* Contentis, totidem membra in *ἀποδοσὶ* respondent.

Et hæc sunt Periodi partes duæ, quibus omnis Constat Periodus, siue bimembris sit, siue trimembris, aut quadrimembris; ita ut in bimembri periodo quam nunc tractandam habemus, protasis unum Membrum Contineat, Apodosis aliud.

Subjicio

Subjicio exemplum ex hac sententia formatum & extractum.

Anglia Periclitanti succurrit CAROLUS
Secundus.

Qui ex hac sententia bimembrem formare volet Periodum, cum oportet prius in protasi, five primâ parte periodi Componere membrum unum Angliæ discrimen & periclitationem attingens, ac deinde in Apodofi Continere membrum aliud de certo auxilio illi à vigilantissimo Rege Subministrabundo; sic aucta & amplificata sententia in justam periodum bimembrem Excrescet, ad hunc autem vel similem modum debet amplificari.

Si *Angliæ* Charissimæ patriæ tum suo sibi, tum feraci soli naturæ, Cælique benignitate, nulli postponendæ regioni, Cujuspiam Calamitatis discrimen, vel alienigenarum aggressione, vel ipsorummet indigenarum culpa & hostili animo incumbat nonne *Carolus Secundus* vigilantissimus ejus imperator, pacisque publicæ studiosissimus princeps, tale discrimen ab ejus Capite sua curâ, suoque studio facile averter.

Hic habetis non inelegantem bimembrem *Periodum*, oratoris opere ac artis Methodo è quatuor duntaxat vocibus ductam & satis copiosè amplificatam, nam primo quidem in protasi quod *Angliæ* potest imminere Calamitatis discrimen juvando & ornate expandit; in apodofi vero certum illi adfore subsidium, a publicæ salutis studiosissimo Rege asserit. Tali Methodo & quælibet aliæ Periodi debent ab Oratore formari. Alterum subministro Exemplum.

Deus est Colendus.

Cum Deum optimum Maximum Orbis Univer-

si Condito rem, omnisque bonorum generis cunctis Animalibus, sed ipsi præcipue Homini, inexhaustam esse Originem apud omnes sit in Confesso. Illam nos quoque summâ debere prosequi veneratione, nec non totis Colere viribus, nullus sanæ mentis Compos potest non Confiteri.

Quod si Eloquentiæ Candidatus non latino solum idiomate, sed & vernaculo, vel quovis alio velit Periodos Construere, eandem dummodo fervet normas, poterit pari equidem cum laude & exitu talia quoque artis oratoriæ Edere opera, in illâ quam sibi proposuerit linguâ. Et ecce bimembrem Periodum.

C A P U T IV.

De Trimembri Periodo.

Periodus Trimembris est quæ tria Continet membra, in duabus Periodi partibus ita disposita, ut sive protasis unum membrum Contineat & apodosis duo, vel vice versâ apodosis membrum unum, & protasis duo.

Sic Exempla accipite ex prædictis sententiis etiam desumpta.

Angliæ Periclitanti succurret CAROLUS Secundus.

Si insularum felicissima nunc Anglia, exortâ quapiam bellici furoris procellâ adeo periculose jactetur, ut æstuante in dies singulos magis ac magis tempestatis vi, præsentissimum illi videatur imminere naufragium; qui illius sapientissime moderatur clavum Carolus Secundus, hoc omen ab ipsius Capite facile declinabit:

Hac

Hæc in *Periodo* videtis duo protasim Conti-
nere membra, & unum duntaxat apodosis Com-
prehendi; sed Contrarium in sequenti videamus
hoc modo.

Si *Anglia* Britannici Populi Nobilissima sedes,
in extremum imminentis ruinæ adducatur dil-
crimen, nonne Pater Patriæ *Carolus Secundus*,
tot tantasque ad ejus Conservationem adhibebit
curas; ut quod impendebat Capiti ejus Pericu-
lum, favente auspicio potentissimi numinis, pro-
cul depellat atque propulset.

Ad aliam nunc Pergamus Sententiam.

Deus est Colendus.

Cum *Deus* tanta in Hominem Benignitate, tan-
taque bonorum omnium (ut ita dicam) effusione
utatur; ut non terrestria solum ad victum vestitum-
que hoc in Mundo necessaria, sed & spiritualia
quoque quæ ad æternam ejus Conducunt Beatitu-
dinem abunde Largiatur; illum ab Homine
summâ afficiendum veneratione, nec non totis
Colendum viribus, longè justissimum est.

Hæc quæque in *Periodo* duo protasis continet
membra, & apodosis unum, sed Contrarium in
sequenti habetur hoc modo.

Cum cuncta Hominis bona tum temporalia,
tum æterna, illi à gratuitâ Dei Benignitate adve-
niant; nihil in hac vitâ habere charius nec de-
bet, nec justè potest Homo, quam ut tot tanto-
rumque bonorum authorem Deum ritè veneretur
& Colat.

Et hæc est Trimembris *Periodus*.

CAPUT V.

De Periodo Quadrimestris.

Nunc verò quadrimestris Periodus Cere-
rarum quasi Princeps & Regina ea est, cu-
jus quatuor sunt membra, duobus videlicet in
Prorasi, totidemque in Apodosi dispositis, ut hoc
patet Exemplo.

*Anglia Periclitanti succurret CAROLUS
Secundus.*

Si quæ nunc Sapientissimi Monarchæ auspicijs
prosperè beatèque regitur *Anglia*, excitatis de-
repente turbis ita percellatur, eoque deveniat, ut
in certissimam perniciem ruere videatur Respubli-
ca, seque ipsam præcipitem agere, nonne *Carolus
Secundus* cujus omnes Curae in Commissæ à Deo
Patriæ Salutem Consumuntur, tot ad illius Con-
servationem impendet Labores, tot studia, tan-
tamque adhibebit vigilantiam, ut nutantem &
quasi ruentem in exitium suum *Rempublicam* sit
non sulturus modo, sed & plage in Pristinum Sta-
tum erecturus.

Bandem *Periodum* in *Secunda de Deo Colendo
Sententia* sic efformo.

Deus est Colendus.

Cum tot sint divini erga Hominem Amoris
tangenda, tot tantaque dona, ut nullus unquam
pater nec plura nec pretiosiora filio impertierit;
Ea quoque Hominis erga Deum debet esse grati-
tudo, ut eum quâ potest Religione, quâ potest
Pietate, summe veneretur & Colat

Et

Et hæc est quadrimembri Periodus, sequæ hæc
 Betis Conchæ sed sufficienter satis descriptas Peri-
 odi præcipuas divisiones in species, bimembrem
 videlicet, trimembrem & quadrimembrem.

CAPUT VI.

De Periodo Incircumscripta.

E Si quidem præterea aliud genus præliminari
 Periodi, membris multis pluribus dispositæ,
 sed non ita distinctæ, nec ullâ inter membra ser-
 vatâ Concinnitate, nullo Consensu mutuo, vel Sym-
 metria.

Hoc autem genus *Periodi* Conficitur cum orator
 circumscriptæ non loquitur, hoc est, cum ab in-
 itio ad finem usque quasi in orbem non includit
Periodum suam donec perfectis, sibiq; mutuo
 Consensu respondentibus propositionibus absol-
 vit sensum, sed membratim duntaxat Contextit
 orationem & declarat sententiam nullâ membro-
 rum ab invicem intentâ dependentiâ.

Unde in hoc differt hocce genus *Periodi* à tri-
 bus prioribus prædictis, quod in illis mutui sit
 membrorum inuitus, cæterisque numerus, in hoc
 verò sint quidem membra, (Cum membris aliquot
 omnis *Periodus* semper Constet) sed nullo mutuo
 Consensu sibi respondentia, nec ad ullam certum
 numerum restricta, in hoc enim *Periodi* genere li-
 bere expatiatur Orator sine ullis repagulis, sine
 ullis Circumscriptis, accumulatur enim quot quot
 vult membra donec sensum Concluserit, & ideo
 tunc dicitur membratim dicere, quia nullâ Cir-
 cumscriptione, nullo membrorum mutuo Con-
 sensu

sensu vel certo numero in dicendo utitur; & hinc est quod hoc *Periodi* genus *incircumscripta* vocetur *Periodus*. Cujus nobis exemplum suppeditat Cicero in Oratione pro Milone his verbis.

Itaque quando illius postea sicca illa, quam, a Catilina acceperat, conquievit, hæc intentata nobis est, huic ego vos objici, pro me non sum passus, hæc insidiata Pompeio est, hæc ipsa ap- piam viam Monumentum sui nominis necesse Papirii cruentavit.

Hic videtis a Cicerone Construi quandam *Pe- riodi* speciem, sed nullis sibi mutuo respondentibus membris Compositam, solis duntaxat sententiis ab invicem independentibus Constantem. Et hoc vocatur membratim dicere vel incircumscribere.

CAPUT VII.

De alio Periodi Genere quo incisum loquitur Orator.

Superest adhuc tertium quoddam genus *Pe- riodi*, quo non *Circumscripta*, non *Membratim*, sed *incisum* Loquitur Orator; ad cujus generis dicendi intelligentiam notandum est, *incisum*, esse sensum aliquem non magna verborum Copia declaratum, sed paucissimis verbis & sæpe unico conclusum. Unde patet incisum, non esse membrum integrum, aut sententiam Completam, sed quandam quasi partem membri, & Sententiæ; ejusmodi inciso utitur Cicero cum ait.

Domus tibi decrat at habebas, pecunia suppetebat, at egebas.

Ubi incisa sunt quatuor, sic adhuc testes dare volumus.

Ubi 76 volumus se solo incisum esse Græci ejusmodi incisa schemata vocant, gallique oratoribus incisum dicere idem est ac, *harangues par puerles entrecoupees*. Unde apparet tum oratorem incisum dicere, cum in singulis incisus insistit & finit ejus Oratio, sive sensus quem vult auditoribus patefacere; unicum adhuc profero Ciceronis exemplum, in *Catilinam* invectiva quarta.

Tenentur Literæ, signa, manus, denique animus cujusque Confessio.

Et sic habetis triplex *Periodorum* genus, circumscriptum scilicet quod bimbres, trimembres, & quadrimembres. Continet *Periodos* ac docet formare, genus incircumscriptum, & genus incipsum. Quo triplici *Periodorum* genere ad Orationem variandam & ornandam, potest ac debet uti Orator. Nunc autem visa *Periodi* natura & definitione, perspectaque ejus multiplici divisione, ac membrorum varietate, restat duntaxat Consideratio ejus nexuum & Copularum.

CAPUT VIII.

De *Periodi* Copulis, Nexibus vel juncturis.

Nexus hi, Copulæve sive juncturæ non vulgaræ sane sunt *Periodorum* ornamenta de quibus hoc, notandum; nimirum nexus, juncturas sive Copulas quæ *Periodi* ingredientur Constitutionem, esse quasi animam totius *Periodi*, ut enim remota anima, Corpus ipsum jacet immobile, sic ablatis a *Periodo* nexibus, copulis

copulis, vel juncturis, ipsa remanet quasi Exam-
nibus, immobilisque *Periodus*, nec ulla Con-
cinnitate potest incedere, ac proinde ejus anima
& forma censeri non incongrue possunt. Illi au-
tem nexus, copulæ vel juncturæ *Periodi* sunt se-
quentes particulæ.

Si, cum, quandoquidem, nonne, numquid,
quemadmodum, sic etiam, sic quoque, verum enim
vero, quisquæso, quis amabo vos, quidem, equidem,
sane, certe, enim, etenim, tum, cum, cum tum,
æque ac, perinde ac, statim ac, quasi, quemadmo-
dum, toties quoties, num vero, jam jam, verum
tamen, attamen, tamen, quovis, eoque, an-
tequam, postquam, priusquam, donec, tandem
aliquando, ut, non, nec non, quantum, tantum;
qualistalis, quam, tam, & aliz quam plurimæ vo-
culæ & particulæ, quæ amplificandæ, nec non or-
nandæ *Periodo* Conducunt non Mediocriter, qua-
rumque proinde cognitio ac expeditus usus planè
oratori debet esse ad manum, ut prompte ac levi
opéra *Periodos* possit de promere, earumque con-
nectere membra. Hæ enim copulæ, quidam sunt
quasi Cardines quibus tota non solummodo *Pe-
riodus* sed ipsamet volvitur integra *Oratio*, sunt
præterea venter ac formæ quibus omissis, non se-
cus ac adempta pulchra de corpore facie, non de-
cus in reliquo corpore truncus habet, earum deni-
que expeditus usus tanto compendio est oratori ut
vel unius duntaxat defectus illum aliquando plus
irretiat ac re moretur quam Integrarum quandoque
Periodorum Constructio, quare perquam Consul-
tum duco cuivis artis oratoriz studio eas callere
ad unguem, sibi que Conciliare quam familiarissi-
mas.

Et hæc de primâ parte Rhetoriz, de *Periodis*
inquam, dicta sufficiant, quæ ex ordine cum tropi
sive Metaphoræ sequantur de iis quæ scienda sunt,
hæc secunda parte videamus, hoc modo.

R H E T O R I C Æ.

De Tropis, ac Metaphoris
in Arte Oratoria Usitatis.

Præfatio.

Non desunt, qui dicunt Tropos vel Metaphoras quandam intellectu obijcere obscuritatem, quod videlicet cum distrahant ad quas Cogitationes, ejus scilicet rei, unde vox translata est, & ejus ad quam transferatur, unde inferunt Tropis & Metaphoris non esse utendum, quoties accurate ac clare docere volumus, sed sine causa & jure hoc ab illis inferatur, sunt enim Tropi non revera tenebra, sed magna orationis Lumina, non peritis modo artis arationis, sed quibuscunque vel minima intelligendi facultate, minimoque ingenii acumine præditi; quinimmo auditorem Summe delectant; cum enim auditum animi Similitudinibus Mirifice gaudeant, ac Tropi nec non Metaphoræ sint quædam quasi similitudines ad unum Contractæ verbum, vel in uno Contenta verbo, non potest quin auditores non mediocri afficiant delectatione.

Nunc autem Tropi hi sunt numero undecim quos
 sic succinctè enucleo.

CAPUT PRIMUM.

De Metaphora.

Cui primus, Tropos inter, Locus debetur me-
 rito, Metaphora est, variis insignita nomi-
 nibus, Græci enim Metaphoram vel Tropum, La-
 tini Translationem nuncupant; hujus Tropi usus
 in oratione est frequentissimus, ac proinde facile
 ab artis oratoriz studiosis potest animadverti tum
 in lectione, tum in orationum auscultatione.

Metaphora autem sive translatio, est mutatio
 significationis nativæ & propriæ in alienam. Vel
 est transductio vocis de sua propria significatione ad
 impropriam.

Ex Quintiliano Metaphora est dictio ab eo loco
 in quo propria est, translata in locum cum in quo
 propria non est, unde patet, Metaphoram tum
 fieri, cum nomen aut verbum propter similitudi-
 nem aliquam, transfertur ex eo loco in quo
 proprium est, in eum in quo proprium deest, aut
 translatum proprio melius est.

Ubi fatendum ingenue, necessitatem, ac propria-
 rum vocum inopiam genuisse primò Metaphoras,
 licet tamen postea ac successu temporis, earum fue-
 rit Continuatus, & frequenter in oratione adhibi-
 tus usus, non amplius inopiæ, sed delectationis,
 ornatusque gratiæ; ita ut quod de veste dicitur,
 eam primò repertam nuditatis regendæ ac frigoris
 depellendi Causâ, nunc ad ornatum & dignitatem
 Corporis adhiberi, idem quoque possumus non in-
 concinnè de Metaphoris asserere.

Metaphorarum autem exempla sunt sequentia.
Prata, rident id est, amœna sunt; O Latas segetes,

Item cum dicimus, vitem gemmare, luxuriam esse in herbis,

Cum vocamus hominem incensum irâ, inflammatum Cupiditate:

Cum Cicero pro Milone, vocat Clodium fontem suæ gloriæ, & alibi, segetem ac materiam.

Hæc etiam Metaphora in iis quoque Christi verbis habetur, hoc est Corpus meum, & etiam est secundum significationem propriam ac naturam, significat esse per substantiam, sive esse substantialiter, sed in prædictis Christi verbis, per Metaphoram mutatur significatio nativa & naturalis & est, in hæc improprium scilicet ut significet non per substantiam, sed per significationem.

CAPUT II.

De Synecdoche.

Secundus post Metaphoram Tropus vocatur Synecdoche; in qua per partem totum, vel per totum pars intelligitur.

Per partem intelligitur totum, ut per puppim, navim; rhis, per mucronem, domus, per tectum. Mucrones eorum à jugulis nostris rejecimus. *Ant. Cicero Cap. 3. de Orat.*

Per totum Pars declaratur. Ut apud Virgilium *Æneid. 12.* fontemque, ignemque ferebant.

Hoc etiam Tropo, ex uno plures significantur, sic Romanus prælio victor. Et Virgilium secunda

Aeneid. Hostis habet muros. Synecdoche igitur est cum pars nominatur & totum intelligitur, vel totum nominatur & pars duntaxat intelligitur, vel denique cum unius nomine plures indicantur.

Notate præterea, quod quando Continens nominatur, & Contentum intelligitur, est Synecdoche Continentis pro Contento, ut cum nominatur vas & vinum intelligitur, sic in his Christi verbis *Lu. 22. v. 20.* hoc poculum est novum Testamentum in sanguine meo, habetur Rhetorica Synecdoche, ibi enim nominatur poculum & vinum intelligitur Contentum in poculo.

CAPUT III.

De Metonymia.

Metonymiam ut ait *Cic. in Orat. 39.* Rhetores hypallagen vocant. Est autem Tropus in quo vel nomen Causæ ponitur pro effecto, vel effectum pro Causâ, vel per signum intelligitur res signata.

Per Causas effecta declarantur, cum inventor, aut alicujus rei author, pro re inventâ ponitur. Sic *Virg.*

Onerantque Canistris

Dona laboratz Generis.
Sic frequenter ponimus, Platonem, Aristotelem, Demosthenem, pro eorum scriptis, ut cum dicitur, legi Platonem, Aristotelem, Demosthenem, &c.

Per effecta Causæ & Authores intelliguntur cum *Sacrilegium* & scelus ponitur pro Sacrilego, pro

pro scelerato, secundum hanc Figuram per id quod
Continet, sæpe etiam intelligitur id quod Conti-
netur, sic dicimus.

O bene moratas Urbes!

O sæculum felix!

Sic Roma pro Romanis, Athenæ pro Athenien-
sibus.

Sæpe etiam per possessorem insinuat res qua
possidetur, sic *Virg. Æneid* 2.

Jam proximus ardet

Ucalegon, id est Ucalegontis domus, item per
ducem significatur exercitus, ut cum ab Anniba-
le apud Gannas Cæla sexaginta millia dicimus, id
est ab ejus Copiis; tandem per signum indicantur
res signata, unde π toga pacis & otii insigne, po-
nitur pro pace, & falces usurpantur pro Magi-
stratu, sic *Virgilius Georg.* 2.

Non illam populi fasces, non purpura regum
Flexit.

CAPUT IV.

De Antonomasia.

ANtonomasia Tropus est in quo pro proprio
nomine ponitur aliquid significans nomen
proprium, etiam si à nomine proprio sit divisum.
Ut Everfor Carthaginis & Numantia pro Scipio-
ne.

Romana Eloquentia princeps pro Cicerone.

Princeps Philosophorum pro Aristotele.

Filius Virginis pro Christa.

CAPUT V.

De Onomatopœia.

Onomatopœia secundum originem vocis deductam à τὸ ὄνομα id est nomen, & τὸ εἶδος id est facio, idem sonat ac nominis fictio sive effectio.

Græcis fuit usitatissimus hic Tropus, sed non sic latinis, licet tamen primi Latini Sermonis Authores, nonnulla etiam nomina per onomatopœiam finxerint, qualia sunt hæc magirus, balatus, sibilus, murmur, aliaque quam plurima. At nunc rarò, nec nisi magna urgente necessitate, hac Onomatopœia uti debet Orator. Ne novorum verborum Usu novitatem nimis affectare videatur.

CAPUT VI.

De Catachresi.

Catachresis, Latinis abusio, est quæ verbo simili & propinquo, pro certo & proprio abutitur, ut cum Patricida matris quoque & sororis intersector appellatur, unde Catachresis tunc fit quando nomen ex naturâ suâ rem aliquam non significans, illi tamen significandæ secundum usum receptum adaptatur. Nec solum talia verba usurpantur iis rebus significandis quæ nomen proprium non habent, sed etiam, iis quæ habent; sic dicitur

citur grandis oratio pro magna, minutus animus pro parvus, equum ædificant, perlegunt oculis &c. hoc autem inter catachresim & translationem intercedit discrimen, quod Catachresis sit Licentior & audacior quàm sit translatio, ac proinde duo hi Tropi, & si aliquo modo similes, tamen in aliquo etiam diverfi sunt.

CAPUT VII.

De Metalepsi.

Metalepsis Latine transumptio à μεταλαμβάνειν id est transumo, sic vocatur quia ex alio in aliud transfert animum auditoris, illi quæ gradatim viam præstans, sic *Virg. Eclog 2.*

Post aliquot mea regna videns mirabar aristas
ubi gradatim ab aristis ad spicas, à spicis ad legetes, ab his ad ætates, ab ætatibus ad annum ascendit animus auditoris. Sic etiam idem poetæ primo *Æneid.* Libro ait.

Speluncisque abdidit atris.

Ubi per τὸ speluncis atris intelliguntur speluncæ nigræ, Crassis videlicet ac obscuris tenebris Circumsusæ, ad extremum denique stupenda altitudine depressæ. Tropus hic rarissimus est, nec non maxime improprius.

CAPUT VIII.

De Allegoria.

Allegoria nihil aliud est quàm Continua metaphora, ubi enim quis prosequitur suam translationem Continuo tenore, tunc sermo fit allegoricus. In Allegoriâ autem hoc est inprimis observandum, ut quo genere translationis sive Metaphoræ capit orator, hoc eodem desinat, unde cum initium à tempestate sumpsimus, incendio ut ruinâ finire absonum esset, ac inconcinnum; esset inquam inconsequentia rerum scedissima. Illustre hoc exemplum habetur apud Ciceronem his verbis.

Quod fretum, quem Eurippum, tot motus, tamque varias habere creditis agitationes, Commutationes fluctuum, quantas perturbationes, & quantos æstus habet ratio Comitiorum, dies intermissus unus, aut nox interposita, læpe perturbat omnia, & totam opinionem parva nonnunquam Commutat aura rumoris.

Allegoriæ cum sint Metaphoræ Continuatæ, cumque Metaphorarum natura in hoc consistat, ut menti humanæ representet rem aliquam, similem rei quam verba Metaphoræ ad Literam expriment, sequitur Allegorias esse representationes quasdam ac imagines rerum similium.

Tales autem Allegorias etiam in Sacris Literisprehendere ac sectari, patribus familiarissimum est, verbi gratiâ, viator spoliatus ac vulneratus mente quorundam patrum fuit primus homo. spoliatus & vulneratus; sed de talibus Allegoriis textu sacro existentibus, notate.

Primo

Primo, Quod Allegoriæ nihil probant, nam ex solo sensu Literali, non ex mystico argumenta sunt efficacia.

Secundo, Quod Allegoriæ non ex Legentis voluntate, sed ex scribentis Authoritate & intentione sint intelligendæ, sic sentit Hieronimus super *Ca. 4. ad Gal.* Et Epiphanius ait verba dei non egent Allegoria, sed potius iudicio & speculatione, ad cuiusque dicti scopum sive argumentum perspicendum.

Hic adhuc observandum, quod *Allegoria* quæ est obscurior, vocetur *ænigma*, sed talis *Allegoria* à Rhetore procul absit, cum enim dilucidè dicere sit virtus, omnis obscuritas vitium est, ac proinde ab ea summè debet cavere orator; ac tamen quid sit *ænigma* ignoretur, paucis illud per transennam explico.

Ænigma, dicitur ab *ἀνίγω* vel *ἀνίγω*, id est obscure loquor & perplexè, sic autem definitur à *Diomedè & Donato*.

Ænigma est obscura sententia per occultam rerum similitudinem explicata.

Ænigmata appellantur quoque *Gryphi*, licet subtiliter inter *Gryphum* & *Ænigma* distinguere nonnulli velint, quod scilicet *Ænigma* lusum tantum habeat & jocum, *Gryphus* autem studium accuram, sed hæc non magni est momenti distinctio.

Ingeniosum *Ænigma* est hoc de Homine.

Quodnam est Animal mano Quadrupes,

Meridie bipes, vespere tripes?

Sic illud quoque de glacie quæ fit ex aqua, & ex qua iterum aqua nascitur.

Mater me genuit, eadem mox gignitur a me.

Non ignobile etiam est illud *Ænigmati*s exemplum quod extat in 5. Libro de Rep. Platonis, nimirum.

Vir non vir percussit, non percussit, lapide non lapide, avem non avem, super arbore non arbore.

Hoc

Hoc est. Eunuchus percussit pumice vesperilio:
nem super sambuco.

CAPUT IX.

De Periphrasi.

Periphrasis Latine *Circuitus* loquendi tunc fit, cum pluribus verbis explicatur id, quod uno aut paucioribus dici posset; poetis frequentissima; ut apud *Virg. Æneid. 2.*

*Tempus erat quo prima quies mortalibus agris
Incipit, & dono divum gratissima serpit,
Etiam summa procul villarum culmina fumant,
Majoresque cadunt atris de montibus Umbrae.*

Est etiam *Oratoribus* non rara, sæpe enim quæque quod significare brevius possent; Latius amplificationis & ornatus gratia expandunt.

CAPUT X.

De Hyperbato.

Hyperbaton sive ut Latinis placet, *Transgressio*, est *Tropus* qui verborum immutat ordinem, perversione aut transjectione. Immutat perversione, cum dicimus, *Mecum, Tecum, Secum, Nobiscum, Vobiscum*, vel ut *Virgilius* ait *Maria omnia circum.*

Immutat transjectione cum verba quæ Con-
juncta

juncta esse deberent, ab invicem disjunguntur; ut cum ait *Cicero* pro *Clu.*

Animadvertite iudices omnem accusationis orationem in duas divisam esse partes.

Hujusmodi transjectio dummodo rem non reddat obscuriorem, satis frequens debet esse oratori, non parum enim gratiæ & ornatus habet.

C A P U T X I.

De Hyperbole.

Hyperbole latinis *Superjectio*, sive *Superlatio* est amplificatio quædam vel exaggeratio rei quæ describitur, eâ utitur orator vel ad augendum, vel ad minuendum statum, naturam, vel quamlibet aliam qualitatem rei, quam describit, quod his Exemplis clarius patebit.

Gemini minantur

In Cælum Scopuli—deinde

Fulminis Ocyor alis.

Vides hic Hyperbole ad augendum uti *Virgili*um, primo enim exemplo mirificè exaggerat scopulorum altitudinem, ac si Cælo ipsi præ sua essent formidabiles proceritate; secundo autem velocitatem cursus vel sagittæ, facta ad momentaneum quasi fulminis casum allusione, nobis veluti propemodo visui inperceptibilem, exprimit.

At proximo in exemplo eâ utitur ad minuendum cum ait --- *vix ossibus hærent.*

Illustri ad augendum Hyperbole utitur *Cicero* in *Antonium* his verbis.

Quæ *Charybdis* tam vorax, *charibdin* dico, quæ si fuit, fuit animal unum; *Oceanus* medius fidius

fidem vix videtur tot res tam dissipatas, tam distantibus in locis positas, tam citò absorbere potuisse.

Hoc autem in *Hyperbole* observandum quod si vera utamur ad augendum, siue ad minuendum, mensura quædam servanda sit, licet enim omnis *Hyperbole*, sit extra fidem, non tamen debet esse extra modum.

Et hoc de secundâ *Rhetoricæ* parte, de Tropis scilicet, qui in uno existunt verbo, & oratoribus non debent esse ignoti nunc de Ornatu verborum conjunctorum, hoc est de ornatu qui in Continuatione verborum debet adhiberi, aptissimè possumus eloqui.

RHETORICÆ Pars Tertia.

De Figuris Verborum Conjunctorum.

Præfatio.

Suas habet Eloquentia venter, suosque lepores, Figuras vocant qui oratores, de quibus primum notandum occurrit, illas duplicis esse generis, sunt enim Figuræ verborum, & sunt Figuræ sententiarum; primæ licet non pariter, ac secundæ, sint momenti, nec pari orationem splendore illustrent, tamen nec omittendæ sunt nec igno-

ignoranda oratori, quare eas inter, quæ sunt præcipuæ
nominis, paucis quasdam sic astringo.

CAPUT PRIMUM.

De Figuris ut sic.

Figura considerata ut sic sive in genere est cer-
ta Coloris & Lineamentorum in Corpore
configuratio, vel naturalis, vel artificialis.

Naturalis Figura est quam cuique Corpori na-
tura attribuit, ut *Figura cæli*, arborum, anima-
lium.

Artificialis est quæ ab artifice introducitur, sic
aurifaber in aurum introducit *Figuram anuli* vel
poculi, Ferrifaber in ferrum aut chalybem *Figuram*
gladii vel securis, Sutor *Figuram* calcei in
corium, Sartor *Figuram* Thoracis in pannum,
&c.

Boetius dicit *Figuram* esse rerum quandam cir-
cumscriptionem.

Sic etiam *Figura Syllogismi* est Confirmatio
quædam Syllogismi secundum certum medi-
terminum situm, certosque qualitatis & quantitatis mo-
dos.

Ex quibus omnibus patet *Figuram Rhetoricam*
esse quoque conformationem quandam Sententiæ,
& veluti Configurationem, quæ *Figura* in hoc
differt à *Tropo*, quod propriis verbis possit fieri,
cum *Tropus* in impropriis Consistat.

Cum autem *Figura* sint quædam orationis in-
tegræ exornationes vel ornamenta, integræque
oratio tum verbis tum Sententiis Consistat, ideo du-
plex

plex quoque asseritur *Figurarum* genus; scilicet *Figura* verborum, & *Figura* Sententiarum.

Figura verborum ut & *Tropi* ea sunt quæ in solis verbis existunt, sunt autem variis modis, sed brevitatis studio, has duntaxat quæ præcipue sunt, & scitu magis necessariæ, placet subtexere.

CAPUT II.

De Figuris Verborum.

De Repetitione.

Repetitio est cum ab eodem verbo ducitur sæpius oratio, vel ut Cicero describit, est ejusdem verbi crebra à primo repetitio quod acriter & instanter fit. Exemplum suppeditat Cicero in *Catilinam* hoc modo:

Nihil agis, nihil moliris, quod ego non modo audiam, sed etiam videam, planeque Sentiam.

Idem contra *Kullum*.

Quid enim est tam populare quam pax? quid non modi ii quibus naturasensum dedit, sed etiam recta, atque agri ipsi lætari videntur; quid tam populare quam libertas? quam non solum ab hominibus, verum etiam à bestiis, Expeti, atque omnibus rebus anteponi videtis; quid tam populare quam otium? quod ita jucundum est, ut vos & majores vestri, & fortissimus quisque vir, maximos labores Suscipiendos putet, ut aliquando in otio possit esse, præsertim cum imperio & dignitate.

Ad hujus Figuræ imitationem hanc proximam
Construo.

Quid quæso hac in vitâ nobis debet esse charius,
quid optabilius *Calo*? ubi labores omnes, infor-
tunia quævis, quævis denique Calamitates (qui-
bus hæc miseriarum vallis quasi pullulat & scatet)
aberunt in æternum, nunquam vel minimæ adfu-
tura læsioni, incolis illius Cælestis *Ferusalem*.
Quid quæso hac in vitâ nobis debet esse charius,
quid optabilius *Calo*? ubi *Deus* suis præparavit
Electis Mona quæ nec oculus vidit unquam, nec
auris audivit, nec mens potest humana procorum
satis Concipere dignitate, quid quæso hac in vi-
tâ nobis debet esse charius, quid optabilius *Calo*?
ubi *Throni* Sceptra, *Coronæ* immarcescibilis glo-
riæ, ubi denique status omnium bonorum aggrega-
tione perfectissimus æternâ eos afficient felicitate,
qui illuc quasi properare studiosè Conantur vir-
tutum viâ, ac religiosâ dei optimi maximi rem-
neratoris mandatorum observantiâ.

Sic Orator galus per crebram ejusdem verbi re-
petitionem poterit orationem suam simili quoque
ornare figurâ hunc in modum.

Qu'y a-t-il de plus Souhaitable que le *Ciel*?
ou tous les travaux, miseres, & Calamites que
l'on ressent sur la terre n'affligeront jamais les ha-
bitans de ce cæleste lieu.

Qu'y a-t-il de plus Souhaitable que le *Ciel* ou
Dieu reserve à ses esleus des biens que l'œil n'a point
vû, ny l'oreille entendu & qui ne peuvent estre
dignement Conceus de l'entendement de l'hom-
me.

Qu'y a-t-il de plus Souhaitable que le *Paradis*?
ou les *Thrones* les *Sceptres* les *Couronnes* de gloi-
re imparcessible attendent ceux qui s'y acheminent
par la Crainte de *Dieu*, par l'observation de les
Commendements.

CAPUT

CAPUT III.

De Conversione.

Conversio est cum in idem verbum Convertitur
 sæpius oratio. Cujus figuræ talē nobis sub-
 ministrat exemplum *Cicero* in *Antonium* his ver-
 bis. Doleatis tres exercitus populi Romani inter-
 fectos, interfecit *Antonius*, desideratis clarissimos
 clives ereptos, eosque quoque eripuit vobis *Antonius*, au-
 thoritas hujus ordinis afflictā est, affixit *Anto-
 nius*.

Ad hujus figuræ imitationem, sequentem po-
 terit Rhetor efformare Conversionem de *Anglia*
 restauratione, hoc modo.

Gaudetis tres potentes nationes pristinae suæ
 Libertati restitutas. Has restituit Sapientissimus il-
 le militia Princeps *Georgius Monck*. Videtis
 tria ingentia regna Capiti suo iterum unita, ea
 quoque univit *Georgius Monck*.

Carolus Secundus principum omnium longē be-
 nignissimus, majorum suorum Throno inique di-
 motus, inhereditarii Throni possessionem tan-
 dem aliquando gloriose erectus est, evexerit *Geor-
 gius Monck*. Addo & aliam.

Gaudetis videre electos Dei, fœderis gratiæ
 affectus, peccati mancipio, legis Maledictione,
 mortis æternæ reatu, nec non dæmonis tyrannide
 Liberos, eos Liberavit unigenitus ille Dei, fide-
 lium apud patrem sponsor, *Christus Obedientissimus*.

Ira æterni judicii erga peccatores tot tantarum-
 que legis divinæ transgressionum reos, prorsus se-
 data est, eam quoque Sedavit unigenitus ille Dei,
 fidelium apud Patrem sponsor, *Christus Obedientissimus*.
 Reserata,

Reſerata eſt janua *Cali*, viaque hominibus ante juſtè occluſa nunc patet fidelibus ad inëundam æternæ beatitudinis poſſeſſionem; eam reſeravit unigenitus ille *Dei*, fidelium apud Patrem Sponſor *Chriſtus* Θεοῦ υἱός.

Addamus adhuc ſubſequentem gallico Conſcriptam idiomate, ad præcedentis imitationem.

Vos Cœurs treſſaillent de jöye de voir les eſleus de *dieu*, les fideles Croyants à l'evangille de grace, de liurez de la malediction de la Loy, de l'obligation à une Mort Eternelle, de l'eſclavage du peché, & tyrannie du dicable, c'eſt *Jefus le Chriſt* & l'oint de *dieu* qui le ſen a deliuré.

La Cholere du pere eternal contre eux a cauſe de leur pechez & tranſgreſſions eſt maintenant apaisée, c'eſt *Jefus le Chriſt*, & l'oint de *dieu* qui l'a apaisé.

Laporte du Ciel pour entrer en la jouiſſance des biens eternels, des joyes qui ſur paſſent l'expreſſion de toute langue humaine, & qui ſont meſme au deſſus de la Conception de nos entendements, cette porte diſie leur eſt Ouverte, c'eſt *Jefus le Chriſt*, & l'oint de *dieu* qui l'a ouvert.

CAPUT IV.

De Complexione.

Complexio eſt quæ Repetitionem & Converſionem Complectitur, ut ex hoc *Ciceroniano* patet exemplo; qui ſunt qui fœdera ſæpe rupe-
runt? *Carthaginenses*. Qui ſunt qui crudele
bellum

bellum in *Italia* gesserunt? *Carthaginienses*. Qui sunt qui *Italiam* deformaverunt? *Carthaginienses*. Qui sunt qui sibi postulant ignoscere? *Carthaginienses*.

Sic idem *Cicero* pro lege agraria.

Quis Legem tulit? *Rullus*. Quis majorem Populi, Patrem suffragiis privavit? *Rullus*, quis Comitibus præsuit? idem *Rullus* ad horum autem exemplorum formam, sic etiam quolibet complexiones Construere poterit. Orator in hunc modum.

Quis est qui *Angliae* misere laceratae pristinum, restituit statum? *Georgius Monk*. Quis est qui *Rebellionem* altis nixam radicibus, & quasi firmatam radicibus extirpavit? *Georgius Monk*. Quis est qui subditos ad justam debitamque Principi Legitimo præstandam obedientiam revocavit & induxit? *Georgius Monk*.

Subnecto aliam. —

Quis est qui nos ita dilexit, ut se ipsum morti ignominiosæ ac maledictæ, nostri causâ lubens exposuerit? *Christus unigenitus Dei*, quis est qui ultro descendit e sinu Patris, e Throno gloriæ ac Majestatis ut Pauperem humilem, in gloriam quasi modo, (si sic loqui liceat) in terra degeret vitam, Nostræ æternæ gloriæ ac salutis promovendæ gratia? *Christus unigenitus Dei*. Quis est qui nos Legi maledictione, ac subsequuturi perennis Cruciatu reatu suæ morte Liberatos, æternæ reddidit hæredes felicitatis, & municipes quasi celestis *Jerusalem*? *Christus unigenitus Dei*.

Subtexamus exemplum gallicum.

Qui est ce qui nous a tant aimé, que de se donner Soy même a la mort pour nous? c'est *Christ* le *Fils de Dieu*. Qui est-ce qui est descendu du sein de Son Pere, de Son Palais de Gloire & de Majesté pour vivre pauvre, abject, méprisé sur la terre, & mourir finalement de l'ignominieuse & maudite mort de la *Croix*, a celle fin d'avancer le salut des

Hom-

Hommes, de nous procurer une vie, de nous elever à une gloire immortelle? c'est *Christ le Fils de Dieu*. Qui est-ce qui apres nous avoir delivré de la malediction de la loy, de l'obligation aux peines eternelles de l'enfer, nous a acquis comme un droit de bourgeoisie au Ciel, nous a fait ses Coheriters de toutes les benedictions & felicités celestes? c'est *Christ le Fils de Dieu*.

CAPUT V.

De Conduplicatiōe.

Conduplicatio est verborum geminatio, quæ magnam interdum vim, at semper non vulgarem habet Leporem;

Verba autem geminantur modis pluribus, his præcipue, & magis eleganter;

Primus est cum idem verbum statim iteratum adjungitur præcedenti, ut observat *Cicero* in *Catalinam* in vectiva tertio;

Vivis, & vivis, non ad deponendam, sed ad confirmandam audaciam.

Secundus modus est, cum post aliquam interjectionem idem verbum repetitur — sic *Cicero*;

Bona miserum me! consumptis enim lachrymis, tamen infixus animo hæret dolor, bona inquam *CN. Pompeii* acerbissimæ voci subjectæ præconis.

Ubi notandum quod interdum tota etiam sententia repetitur, sic *Cic.* in *Verrem*.

Quid *Cleomenes* facere potuit? non enim possum quemquam insimulare falsò, quid idquam *Cleomenes* magnopere facere potuit?

Hæc figura, ut patet, non adeo difficilis levi operâ potest à studiosis observari, usuque frequentius in suis Celebrari orationibus, proinde ad proximam pergo figuram.

CAPUT VI.

De Traductione.

TRaductio, est ejusdem verbi Crebrius positi quædam distinctio, quæ facit, ut, licet idem verbum crebrius ponatur, non modo non offendant aures auditoris, sed etiam Concinniores reddat orationem, quod sequentibus innotescit Exemplis:

Qui nihil habet in vitâ jucundius vitâ, is cum virtute vitam non potest colere. — *Item.*

Eum tu hominem appellas, qui si fuisset homo, nunquam tam crudeliter vitam hominis petiisset, at erat inimicus, ergo inimicum sic ulcisci voluit, ut ipse sibi reperiretur inimicus. — *Item.*

Divitias sine divitum esse, tu vero virtutem præfer divitiis, nam si voles divitias cum virtute Comparare, vix satis idoneæ tibi videbuntur divitiæ, quæ virtutis pedissequæ sint.

Vides quomodo in hac figura per varios Casus traducatur idem verbum, ut sæpius iteratum non tædiosam reddat orationem.

Ex hoc figuræ genere est & præterea hæc sequens quâ idem verbum diversas habens significationes repetitur ut —

Cur eam rem tam studiosè Curas? quæ multas tibi dabit Curas. — *Item.*

Amari

Amari jucundum est, si curetur ne quid infamari. --- Item.

Veniam ad te si mihi senatus det veniam.

CAPUT VII.

De Synonymiâ.

Synonymia est cum verba idem significantia congregantur sic *Cic. in Catilinam* *investiva prima.*

Perge quò cepisti, Egredere aliquando ex urbe, patient portæ, proficiscere, & iterum *investiva secunda.*

Abiit, excessit, erupit, evasit.

CAPUT VIII.

De Gradatione.

Gradatio alio nomine vocatur clymax, & est figura Rhetorica quâ gradatim sursum versus ascenditur, & in quâ licet præcedens verbum proxime sequenti jungatur illud repetendo sed in alio casu, nunquam tamen initium cum fine copulatur, id est, nunquam primum verbum repetitur in fine Sententiæ junctum cum ultimo verbo, in quo differt a *Sorite*, ut hoc *Ciceroniano* patet exemplo.

Africano virtutem industria, virtus gloriam, gloria æmulos Comparavit.

Sic etiam pro *Milone*.

Neque verò se *Populo* solum, sed etiam *Senatui* Commisit, nec *Senatui* modo sed publicis præsidis & armis, neque his tantum sed etiam ejus potestati cui *Senatus* totam Rempublicam Commisit.

In hoc ultimo exemplo observa non repeti tō nec publicis præsidis & armis tantum, ea quod ista repetitio nimis duram & insuavem redderet orationem, & ideo, loco illorum verborum posuit Consulto neque hic tantum. Quod artis oratoriae Candidati in pari occasione debent quoque studiosè imitari evitandæ ingratae auribus auditorum talis repetitionis gratia.

Hæc eadem figura etiam in *Sacris Literis* sæpe Conspicitur, & imprimis *Paulus* octavo ad *Rom. Cap. v. 22 & 30.* illustre habet gradationis exemplum hîc illud placet lectori subjicere.

Quos præcognovit, etiam præfinivit, quos verò præfinivit eos & vocavit, & quos vocavit eos etiam justificavit, & quos justificavit eos etiam glorificavit.

Tale quoque *Gradationis* exemplum nobis adhuc suppeditatur *Secundæ Petri Epistolæ Cap. i. v. 5, 6, & 7.* hunc in modum.

Subministrate in fide vestrâ virtutem, in virtute autem scientiam, in scientiâ verò temperantiam, in temperantiâ autem patientiam, in patientiâ verò pietatem, in pietate autem fraternum amorem, in fraterno verò amore charitatem.

Hæc figura ut patet non vulgarem exigit artem, deoque peculiarem Eloquentiæ studiosorum excoquit diligentiam quare in eorum gratiam & adminiculum hic subsequentem efformo gradationem le immensâ erga genus humanum *Christi* salvatoris nostri charitate, his verbis.

Christus

*Christus æternum Dei verbum, ac unigenitus filius, Electos Patris non dilexit solum a jacto Mundi fundamento, sed insuper præstitutis a patre diebus, è cælo in terram descendit, ut suum erga nos immensum testaretur amorem, nec solummodo in terram descendere ipsi fuit latis, verum ut descensus ratio mirum sui ergo homines amoris excessum indicaret, cum esset in forma Dei, non dedignatus est formam servi accipere, veram nimirum hominis induere naturam, nobisque in quibus fieri similis excepto peccato, quod & adhuc parum ipsi visum est; qui enim ab æterno Θεός, ac nunc factus Θεὸς ἁνθρωπίνος voluit in terra degere non nostro duntaxat exemplo, sed & nostro quoque bono, voluit inquam degere humilem, despectam, pauperemque eousque vitam, ut licet vel ipsimet vulpes haberent foveas, ac aves cælinidos, Filius tamen Homini desuerit, ubi posset suum reclinare caput; verum nec despectus, nec pauper modo nostri causâ voluit esse, sed ingentes præterea exantlavit labores, factus fami, siti, doloribus, angustis, persecutionibus obnoxius, fuit ipsis quoque quam sæpissime obvis; quæ omnia tandem Crucentâ obsignavit nece, utque nihil suæ erga Patris Electos constaret deesse charitati, è variis mortis generibus sibi elegit, voluitque inferri maledictam illam Crucis Mortem quibusvis aliis etiam atrocissimis non inferiore doloribus ac pænis; Sed ignominia ac annexa ipsi maledictione, (*maledictus enim qui pendet in Ligno*) sed ignominia inquam ac maledictione omnium longe despicatissima, acerbissima, Sicque factus est reverâ maledictio, ut nos ab æterna illâ quæ pro peccatis justè nobis erat infligenda redimeret.*

In gratiam galli Lectoris cum aliquas jam Gallico texuerim idiomate figuras; nullatenus mihi ducam tædio vel labori, unam adhuc ipsi suppeditare, his verbis.

Christ ne nous à pas seulement aymé dez la fondation du monde, mais au temps ordonné par son *Pere* il est venu du *Ciel* sur la terre pour nous tesmoigner son amour; & ne s'est pas seulement Contenté de venir, sur la terre, mais encore y estant venu, il y a veſeu pour nous en un estat humble, mesprisé & pauvre, *mais que disie* en un estat humble, mesprisé & pauvre, il y a mesme voulu endurer des travaux tres sensibles, des fatigues tres penibles, & cequi est encore infiniment au dessus, il ne s'est pas Contenté de souffrir ces travaux & fatigues, il a de plus voulu endurer la mort pour nous, & afin que rien ne manquat qui fut necessaire a rendre plus evident l'amour qu'il nous portoit, la mort qu'il a voulu endurer pour nous, a esté la mort maudite de la *Croix*, se faisant ainſy Malediction pour nous deliurer de celle qui nous estoit deſe pour nos pechez.

CAPUT IX.

De variis aliis Figurarum generibus Minoris licet, tamen non Ignobilis notæ.

Sunt & alia verborum *Figura* quæ sunt per detractionem sive omissionem alicujus verbi quod subauditur, quo genere *Figurarum* utimur brevitatæ studio.

Prima hujus generis *Figura* vocatur *Synecdoche* quæ tum fit, cum verbum subtrahitur, quod tamen ex Contextu orationis satis intelligitur; exemplum est hoc;

Stupere

Stupere gaudio *Græchus*, subintellige, cepit.
Secunda Figura vocatur *dissolutio* quæ tunc fit cum omissis Conjunctionibus plura dissolutè vel disjunctè dicuntur sic *Cicero* pro *Archia*.

Hæc studia adolescentiam alunt, senectutem oblectant, Secundas res ornant, adversis perfugium præbent, delectant domi, non impediunt foris, pernoctant nobiscum, peregrinantur, rusticantur.

Tertia Figura est adjunctio quæ tum fit cum ad unum verbum in fine vel initio Sententiæ positum, plures referuntur sententiæ quarum una quæque si sola poneretur, verbum expresse requireret.

Verbum ponitur in initio hoc modo.

Vicit pudorem Libido, timorem audacia, Rationem amentia;

Ubi vides ad verbum præpositum (*vicit*) reliqua sequentia nomina referri, & ab illo regi.

Verbum ponitur in fine hoc modo.

Neque enim is es *Catalina*, ut te aut pudor unquam à turpitudine, aut metus à periculo, aut ratio à furore revocaverit.

Nonnunquam etiam verbum ponitur in medio sententiæ hoc modo.

Formæ dignitas aut morbo deflorescit, aut vetustate.

Quod cum fit vocatur conjunctio.

Quarta Figura vocatur disjunctio, quæ tunc fit cum unaquæque sententia suum habet verbum, tale nobis *Cicero* subministrat exemplum pro *Archia*.

Me autem quid pudeat qui tot annos ita vivo, *Judices*, ut ab illis nullo me unquam tempore, aut Commodum aut otium meum abstraxerit, aut voluptas avocarit, aut denique somnus retardarit. Et in eadem oratione.

Homerum Colophonii Civem esse suum dicunt, *Chii* suum vendicant, *Salamini* repetunt, *Smirnaei* vero esse suum Confirmant.

Hic

Hic nota & quintam Figuram quæ vocatur *Synochæsis* & duas res diversas colligat hoc modo.

Tam deest *avaro* quod habet, quàm quod non habet.

Hæ Figuræ secundi generis licet non ita magni fiat momenti, tamen earum nomina *Oratorem* latere non debent ac proinde eas breviter attigi, quod nemini tædiosum fore arbitror.

Inter tertii generis Figuras numeratur *Paronyma* quæ secundum vim nominis, in quâdam vocum similitudine consistit, sitque vocibus aliquando contrariis, sed plerumque similibus, paribus, affinis, desinentibus in eadem Constructione & similibus casibus, hoc est simili exitu, simili fine terminatis quarum quædam hîc duntaxat sine magno delectu (brevitatis amore) Coacervo exempla.

Si in hac calamitosâ famâ, quasi in aliquâ perniciosissimâ flammâ, &c.

Quod non par sim immensis tuis erga me beneficiis Condignam referre gratiam, si culpa sit istius Culpæ Causam in te esse agnosce, & tibi ipsi ignosce.

Emit morte immortalitatem.

Hoc animo semper fui ut invidiam virtute partam, gloriam non invidiam putarem.

Non exigo ut immoriaris Legationi, immorare, hanc Reipublicæ pestem paulisper reprimi, non in perpetuum comprimi volebat.

Videte *Judices* utrum homini navo, an vano credere malitis?

Est idem Verres qui fuit semper ut ad audendum projectus, sic paratus ad audiendum.

Et qui in his rebus non ita defendatur ut mediocris *Prætor*, sed ita lauderetur ut optimus *Imperator*.

In quibus exemplis vides casus & verba similiter terminare ac desinere, quod & in similibus observandum est.

Restant & aliæ duæ *Figuræ* tertii generis quas ut nihil sit omissum, hic breviter libet subijcere.

Prima vocatur *Contrapositum*, vel (ut quibusdam placet) *Contentio*, Cicero vocat *Contrarium*, & Græci *Antitheton*, quale est hoc Exemplum.

Vicit pudorem libido, timorem audacia, rationem amentia—Item.

Est enim hoc *Judices* non scripta, sed nata lex, quam non didicimus, accepimus, legimus, verum ex natura ipsâ arripuimus, hausimus, expressimus.

Hoc genus *Figuræ* veteribus fuit familiarissimum, nec nunc quoque nostris debet esse insuetum oratoribus, non enim suo caret lepore, nec venustate.

Secunda Figura Commutatio dicitur, quæ tunc fit, cum duæ *Sententiæ* ab invicem diversæ ita annectuntur, ut secunda *Contraria* primæ, ab eâ quasi oriatur, & dependeat in hunc modum.

Non ut edam vivo, sed ut vivam edo.—Item.

Si *Poema* Loquens *Pictura* est, *Pictura* tactum *Poema* debet esse.

Et hæc de verborum *Figuris* dicta sufficiant, pergamus nunc ad *Figuras Sententiarum*.

RHETORICÆ

De Figuris Sententiarum.

Præfatio.

NEntiquam Rhetorem latet ea quæ verborum inter, & Sententiarum Figuras occurrit differentia, nimirum quod verborum figurae sint quæ in verbis duntaxat consistant ac terminentur: Figura verò sententiarum eæ sint quæ per integras spargantur ac quasi expatiantur sententias, quæque non in verbis sed ipsismet in rebus quandam habeant dignitatem, quandam gratiam. Unicuique etiam per quam notum est, verbis primùm, deinde Sententiis, quamlibet Constare Orationem; unde Methodico ordine sequitur, post ornatum verborum restare quoque nobis suo observandum ordine ornatum Sententiarum; qui ornatus cum præcipuè in Figuris existat, de Figuris Sententiarum pauca jam agrediamur eloqui.

CAPUT PRIMUM.

De Interrogatione.

Interrogatio Figura est quâ utimur non solum sciscitandi vel inquirendi gratiâ, sed præcipue instandi, adversarium premendi, & rem exaggerandi causâ. Illustre exemplum extat apud Ciceronem in investivâ primâ in *Catilinam* hoc modo.

Quousque tandem abutere *catilina* patientiâ nostrâ? quem ad finem tua sese jactabit effrenata audacia? patere tua consilia non sentis?

Quo exemplo vides insigniter rem exaggerari, & multo vehementiorem esse *Ciceronis* stylum, quàm si simpliciter dixisset, diu abuteris patientiâ nostrâ, *Catilina*, nimis dudum tua sese jactat audacia, & patent tua Consilia.

Non minus nobile nobis adhuc suppediat exemplum, eâdem in eundem oratione his verbis.

An vero vir Amplissimus *Publius Scipio* pontifex maximus *Tyberium Gracchum* mediocriter labefactantem statum *Reipublicæ* privatus interfecit?

Catilinam verò orbem terræ Cæde atque incendiis vastare Cupientem nos Consules perferemus?

Quâ interrogationis formulâ & usu quis non videret multò majoris energię longeque multo efficaciorē esse *Tullii* Orationem, quàm si hoc Stylo, (ut poterat) usus fuisset. Cum vir Amplissimus *Publius Scipio* pontifex Maximus *Tyberium Gracchum* Mediocriter labefactantem statum *Reipublicæ* privatus interfecerit, nos Consules non debe-

mus perferre diutius *Cutilinam* orbem terræ cæde
atque incendiis vastare Cupientem.

Ad hujus Figuræ imitationem, hanc subsequen-
tem placet Construere hoc modo de peccatoris ad
maturam resipiscentiam Exhortatione.

Quousque tandem Longanimis *Dei* patientiâ tu-
is abutere facinoribus scelerate legum divinarum
transgressor? quem ad finem tua te culpæ innox-
ium jactabit audacia? te inquam qui illicitum
Creatura amorem; *Creatoris* dilectioni ac obse-
quio tantopere prætuleris; Credisne si ante *at-
r-*
ni *judicis* tribunal; protuleris qualdam decrepitæ
vitæ reliquias ad normam divinæ legis quoquo
modo exactas; credis ne inquam eas fore paresque
tot tantaque facinora toto florentis ac vegetæ
ætatis decursu perpetrata possint illicò expia-
re?

An putas post elapsam in *Creaturarum* obsceno
cultu totius vitæ Curriculum, Condignam fore ex-
piationem? si moribundi *animi* extremos halitus
in tui *Creatoris* sinum, quâdam quasi ejaculatoriâ
anteactæ vitæ Contritione Exhalaveris? Si hoc ex-
istimas allueinaris omnino mihi crede peccator, non
possum equidem tibi denegare exemplum unius
qui ad *Christi* latera exhalaturus animam, in ipso
(ut ita dicam) *infern*i Limine; nactus est *Cal-*
ostium, ac eodem in illud ingressus est die, fidei
mortis moribundi secum *Salvatoris* sibi applica-
tione; hoc nobis dedit *Deus* exemplum, ne om-
ni salutis ademptâ spe, unius exempli defectu,
inducerentur in desperationem *Peccatores* agoniz
proximi; Sed quod sciam unicum est; nec aliud
in *Scripturâ* notatur, ne plarium prætextu, ex
iis arripèrent occasionem *iniqui*, suam in dies sin-
gulos procrastinandi resipiscentiam, sibi que in il-
lo *Die* promittendi *misericordiam*, quo nihil justè,
nisi *iram* merentur & *vindictam* æterni ac justî *Ju-*
dicis.

Hæc *Figura* sæpe quoque quod negari non potest, interrogationis formulâ exprimitur, quod majorem hæc formula habeat emphasim, majoremque vim exprimendi.

Hujusmodi exempla passim & frequenter obvia in orationibus, ac ideo tum observatu, tum imitatu per quàm facilia non immoror, hic delineare.

CAPUT II.

De Subjectione.

Subjectio *Figura* est quâ Orator semet ipsum interrogans sibi met ipsi respondet, vel post alium interrogatum non ab eo expectat Responsum; sic *Cicero* pro *Ligario*.

Apud quem igitur hoc dico? nempe apud eum qui cum hoc sciret, tamen me antequam vidit, reipublicæ restituit.

Eternum *Dei* verbum, divinus humani generis apud Patrem Orator, hujus *Figuræ* illustrissimum nobis reliquit Specimen *Matthæi* Cap. II. v. 7. & sequentibus usque ad II inclusivè. Hic illud ad hujusce meæ ideæ decus ac ornamentum, eâ, quâ decet reverentiâ, subnecto. Audite igitur venerabundi loquentem humani generis *Salvatore*m.

Quid existis in desertum Spectaturi? arundinem quæ agitur vento? sed quid existis visuri? hominem mollibus vestibus amictum, ecce qui gerunt molles vestes, in domibus regum sunt; sed quid existis visuri? Prophetam? certè dico vobis, etiam amplius quàm Prophetam. Iste enim est de quo scriptum est, ecce ego mitto nuncium meum ante faciem tuam,

tuam, qui preparabit viam tuam coram te. Amen dico vobis, non est suscitatus inter genitos & Mulieribus quisquam major Joanne Baptista: sed qui est minimus in regno celorum, major eo est.

Ad hanc quoque Figuram pertinent hæc alia unigeniti patris æterni verba quæ habentur, *Math. Cap. I. v. 48, 49. & 50.*

Quæ est mea mater, & qui sunt fratres mei? & protensa manu suâ in discipulos suos dixit, ecce mater mea & fratres mei; quisquis enim fecerit, quod vult pater ille meus qui est in celis, is est meus Frater, & Soror, & Mater.

Cum ad Romani imitationem oratoris hætenus non paucas construxerim figuras, hunc divinum venerabundè imitaturus Oratorem, sequentem hæc efformo his verbis subjectionem.

Quid Lucraris Peccator tot sceleribus vitam Labefactando? an famam, vel nomen aliquod? neutquam sane famam sed Flammam, quâ in æternum nisi maturè te pœnituerit, ac respueris Cruciabere. An Sapis & homo qui virtutis cum deberes studiosus esse affecta, gaudes volutari, sædissimæ instar suis in luto vitiorum? nullo modo sane sapis, sed prorsus deliras, prorsus desipis, qui momentaneam voluptatē adeo temere præferas & anteponas æternæ gehennæ ac nunquam desituri supplicatibus. Quid tandem Commodi, dic mihi quæso, quid tibi accidit utilitatis? ex eo (quem tot crebris actionibus Contraxisti) habitu jurandi fremende, mentiendi turpiter ad singula fere verba, ad quamlibet vel levissimam datam occasionem; hoc sane, & hoc duntaxat, (præter iram offensi veracis Dei, ac justè subsequuturam ejus iræ sententiam, nisi maturâ eam prævenieris respicientiâ) hoc inquam duntaxat lucraris peccator, ut ne quis tibi vel etiam jurato, cum veritatem loqueris, vix audeat fidem adhibere.

CAPUT

CAPUT III.

De Anteoccupatione.

Anteoccupatio sive ex *Quintiliano* *praesumptio* à Græco nomine *πρόληψις*, Figura est, quæ id quod objici potest, præassumitur, & sic adversarium prevenientes, contra ejus accusationem vel instantias præmunimus præviâ defensione auditorum animos, rem quæ objicere potest, vel minuendo, vel falsam penitus, & fictitiam demonstrando; magnâ curâ debent *Oratores* hancce figuram suis inserere Orationibus, ut pote quæ non delectet modo, sed & summæ sit utilitatis.

Cum per otium mihi non licuerit aliquod hujusce utilissimæ figuræ exemplar ex quoquam *Ciceroniano* decerpere loco, contexui ipsemet unum, quod his verbis hic vobis subministro.

Quis sit, ô *Homo*, quod tantopere torpeas in viâ *Virtutum*? unde torpedio illa? unde somnus iste, futurus brevi nisi maturè stimuletur plane *Lethargicus*? *virtutem* forsân tibi credis fore dedecori, quasi infra te esset religiosus palam apparere *pia vite cultor*; ac *Mulierculis* solummodò, vel jam *Canis* ista decenter Conveniret *Hominibus* professio; sed procul à te absit tam nefaria, tam odiosa *Deo* bonisque omnibus Cogitatio; quod enim decuit, *Christum* in terris degentem, cur illud tibi (quisquis sis) turpe ac indecorum existimares? te terret fortasse *virtutis* torvitas, horridam ac asperam illam intueris, nec non sine magnâ inaccessiblei difficultate, sed falleris omnino, virtus enim nequaquam est aspera, nequaquam horrida,

nec difficilis, nihil illâ Suavius, nihil dulcius, facilius nihil si eam non solitariè & in se ipsâ, sed cum annexâ sibi *gloriæ immortalis* certâ promissione intuearis, si eam consideres quasi Certissimam viam ad *Cælestis Beatudinis* æternam fruitionem.

Verum credis adhuc forsitan, seriam veræ *Pietatis* praxim quandam offundere tuæ menti tristitiam, quendam mærorem, quasi non possis veræ te dedere *Pietati*, quin illicò fias *Ectica* (ut ita dicam) præda *Melancholiæ*, quin illicò Promethei instar, rodatur Cor tuum anxîâ virtutis curâ & culturâ, non lecus ac vulnere quodam inexplebili; sed tali adhuc prorsus deciperis opinione, bona enim Conscientia ut regius scriptor ait, jure est Convivium, tantoque Spirituali gaudio piorum Cor implet, ut eorum quoque facies (quâdam quasi transfiguratione) tota serena niteat, tota corusceret, inclusi penitus in imis Cordis visceribus, *Cælestis gaudii exuberantiâ*. Num audivisti aliquando ipsis etiam mediis in tormentis gavisos esse quondam & exultasse *Evangelicæ veritatis* ac *virtutis* Constantes affectas? si eos olim tostos igne, feris expositos, Equuleis tortos, sterquilinis affixos, gladiis, securibus, exilio, inopiz, omnibus denique cruciatuum ac miseriarum obnoxios genereribus, *virtus* tamen expertes omnis servavit mæroris, expertes omnis angustiz; an vereris ne tabescas angore, si nullo nunc imminente talium metu Cruciatuum, nullo incumbente tyrannorum terrore, enitaris pro virili abstinere à vitiis, ac virtuti sedulam navare operam.

CAPUT IV.

De Communicatione.

Communicatio quæ est quædam quasi species dubitationis, Figura est, quâ ipsosmet adversarios Consulentes ab his inquirimus quid in tali re fuisset agendum, ut hoc Ciceroniano patet exemplo.

Tu denique *Labiene* quid faceres tali in re ac tempore? cum ignaviæ ratio te in fugam atque latebras impelleret, improbitas & furor *Lucii Saturnini* in Capitolium arcesseret, Consules ad patriæ salutem ac libertatem vocarent, quam tandem auctoritatem, quam vocem cuius sectam sequi, cuius imperio parere potissimum velles?

Sic etiam aliquando hujus Figure operâ cum iudicibus, & auditoribus ipsis quæ deliberamus, & inimus Consilium, ut fecit *Cato*. Si vos in eo loco essetis, quid aliud fecissetis?

Et *Cicero* prima in *Verrem* oratione.

Nunc ego iudices jam vos Consulo, quid mihi faciendum putetis? id enim Consilii mihi profectò taciti dabit, quod egomet mihi necessario Capiendum intelligo.

Hæc Figura non vulgaris est leporis, prudenter tamen, nec non sine magno iudicio eâ uti debet orator, ne artis ostentationi, vel nimis affectationi deditus appareat, sicque conciliet sibi odium potius quam auditorum benevolentiam, secundum tritum illud, omne affectatum odiosum.

CAPUT V.

De Deprecatione, Distributione,
Execratione, Epiphonemate
& Exclamatione.

HAs quinque Figuras sic breviter ordine per-
stringo, ac ideo unico infero capiti hoc mo-
do.

Deprecatio sive *obsecratio* vel *obtestatio*, Figura est quæ opem alicujus imploramus, *Cicero* illustre habet exemplum oratione pro *Deiotaro* his ver-
bis.

Quamobrem hoc nos primum metu *Cæ. Cæsar* per fidem & Constantiam, & Clementiam tuam li-
bera, ne refidere in te ullam partem iracundiæ suspicemur; per dextram te istam oro, quam *Re-
gi Deiotaro* hospes hospiti porrexisti, istam in-
quam dextram, non tam in bello & præliis quam
in promissis & fide firmiorem.

Distributio est Figura quæ virtutes sive qualita-
tes Hominis amplificationis gratiâ enumerantur,
& de eo per viam negationis vel aliam afferendi mo-
dum prædicantur; mentione factâ ejus rei cui ta-
les virtutes sive qualitates deserviunt, & postea
prædictis virtutibus tali personæ inesse, per affir-
mationis viam demonstratis; cujus præbet exem-
plum *Rutilius* ex *Aristotele* in hunc modum.

Alexandro Macedoni neque in deliberando con-
siliū, neque in Præliando virtus, neque in be-
neficio benignitas deerat; nam cum aliqua res du-
bia accidisset, apparebat Sapientissimus, cum
autem

autem. Confligendum esset cum hostibus; fortissimi-
mus; cum vero primum dignis tribuendum, li-
beralissimus.

Execratio est quæ malum alicui precamur, sic
Cicero pro Deiotaro.

Dixit perdat fugitive, ita non modo nequam
& improbus, sed fatuus & amens es.

Epiphonema est acclamatio quædam, quæ fit ad
finem alicujus rei narratæ, sic *Virgilius.*

Tanta molis erat Romanam Condere gentem.

Exclamatio Figura est, quæ continet signifi-
cationem cujusdam doloris aut indignationis, &
fit per Compellationem vel Hominis, vel alterius
cujuspiam rei; sic *Cicero in Antonium.*

O miserum me! Consumptis enim lachrymis,
infixus tam pectori hæret dolor.

Et iterum contra *Kullum.*

O perturbatam rationem, & libidinem refræ-
mandam; O consilia dissoluta atque perditæ.

Sic idem in *Catilinam.*

O tempora! O mores! Senatus hoc intelligit,
(Consul videt) hic tamen vivit.

~~etiam in *Cicero in Antonium.*~~

CA P I T U L U M VI.

De Prosopopæia.

Prosopopæia est personarum ficta inductio vel
representatio, quæ Figuræ vel alios inter se,
vel nosmetipsos cum aliis loquentes introducimus,
quæque etiam mortuos quasi excitamus, & sermo-
cinantes representamus; quin etiam urbes ipsæ &
loca vocem per hanc Figuram accipiunt, cujus

rei exemplum illustre habet *Cicero* in hunc mo-
dum.

Etenim si mecum *Patria*, quæ mihi vita mea
multo est Charior, si cuncta *Italia*, si omnis Res-
publica sic loqueretur, *M. Tulli* quid agis, &c.

Ex hinc patet *Prosopopæia* naturam in hoc con-
sistere ut personis sive viventibus sive mortuis, vel
etiam locis & urbibus Sermocinatio aliqua tribua-
tur, ad cuius rei Majorem evidentiam placet hic
Prosopopæiam efformare de *Polonia* hortante in-
digenas suos ad mutuam inter se Concordiam, ut
unanimes facti, animosè se tueantur à turcica in-
vasione, sicque pares quodammodo esse possint
tam potentem ac formidabilem hostem à suis arce-
re manibus ac laribus.

Quosque tandem inveteratam illam fovebitis
inter vos discordiam. *invidiissimi* alias *Polonici*
Throni proceres? an eam Mortales sitis, immor-
tali inter vos gaudetis ira? Si eam paulò diutius
retinueritis, quid de vobis, quid de me fore pu-
tatis? an non misera illius sortis quæ tùm vobis
tùm mihi imminet, Lugubre satis (proh dolor!)
Sensimus specimen à Semestri non amplius spatio?
extant adhuc hinc & illic rudera recentis vastati-
onis, extant adhuc loca si non madentia, at sal-
tem tincta sanguine vestrarium, & alia scatent ad-
huc, ac fætent Cadaveribus occisorum, adeo re-
cens vulnus est! quod refricare dolor non sineret
nisi nos majori adhuc Calamitati proximos ani-
madverterem; ob obstinacem illum, ac penitus
inclusum in imis vestri Cordis visceribus hostilem
in invicem animum, est idem adhuc nobis, qui
erat hostis, est eidem hosti, eadem quoque quæ
erat, inexplibilis ambitio, eadem mens nos funditus
opprimendi, fortasse hoc (quo nunc vobis loquor)
momento notat & designat, quas arces, quas ur-
bes, quas Provincias intendit demoliri, obsidere,
in suam redigere potestatem, fortasse jam jecit
aleam

aleam de totius *regni polonici* fato; quis scit num jam in viâ innumero stipatus Equitatu ad nos Laxis properet habenis? videtur jam mihi, noctis silentio tripudia, ac hinnitus equorum per venas & poros viscerum ad tremulum usque pectus relonare; ad *Metropolim* eos concurrere horresco, eamque jam prædæ ac internecioni destinasse; ut sic capite ablato, reliquum corpus quasi uno ictu exaniment; nunc autem an potestatis periculum illud à meo & vestro propulsare capite? neutiquam sane hoc erit vobis planè? *SOVAT* nisi deposito protinus omni inter vos hostili animo, vires conjunctim opponatis tam formidabili inimico; *ah! liberam me invenistis*, ne patiamini me (vobis superstitibus) *durâ premi servitute*; quod à vestrà Solummodo mihi possum polliceri unione; omnes igitur unanimi mente prodite in Campum pro vestrà Libertate patriæ quæ vobis vitâ vestrà multò charior esse debet, interim efficiam apud *Principes Christianos*, ut quædam nostræ calamitatis compassio, aliquod ab iis possit obtinere brevi ad vos transmittendum invamen.

Altera Protopopæia Poloniae auxilium rogantis Reges ac Principes Christianos.

Ecce nunc supplex vos sollicito *Serenissimi reges ac Principes orbis Christiani*, ignota vobis proculdubio, hac lacerâ veste, hoc cruento Corpore, his gravibus imbre Lachrymarum oculis; *Polonia* nomen gero, *Regnumque* inter nobilissima non ignobile, & vastissimis (audeo dicere) non multum inferius, intra meum Contineo sinum, sed nunc *O me miserum!* in ipsis quoque visceribus summe laceratum, quibusdam extremis suis truncatum membris, nuperâ communis *Christiani nominis* hostis incursione vobis haud dubiè non inaudita; proximam adhuc, mihiq; jam imminentem timeo unam, & Exhorresco, ipsi cum sum omnino impar resistere, tum aggressoris potentia, tum non

adhuc penitus extinctâ domi mutua procerum Regni inter sese exandescentiâ; ideo suppliciter imploro *vestram* potentiam, ac enixè obtestor, ne maturi vestri auxilii defectu, sinatis adeò famosam *Europa Regionem* in manus & potestatem Cadere jurati omnium *vestrum* (quat quot estis) hostis, erit profectò locus *vestræ gloriæ* maximus, (*Serenissimi Principes*) perturbato succurrere regno, erit non mediocre *vestra* jam *Clarissimæ Fama* incrementum, tam nobilem, tam populosam gentem exinhiantis ipsi hostis tervere, ac quasi eripere faucibus, ausim quoque dicere, salvâ *vestrâ dignitate Serenissimi Reges ac Principes*, ausim inquam dicere; Quod summæ etiam vobis omnibus erit utilitati, Metas quamprimùm figere *Ottomanno Monarchæ* qui æluans angustis nimis ejus ambitioni, *Asiæ ac Africæ* limitibus jam in multas *Europa* Plagas non ignobiles, trajecit pedem, unde profectò avidos sæpe retorquet oculos in alias omnes, etiam remotissimas.

CAPUT VII.

De Hypotypofi.

Hypotypofis Figura est non ignobilis; quam *Cicero* descriptionem appellat; est autem proposita quædam forma rerum ita expressa verbis, ut cerni potius videatur, quàm audiri. Vel est rerum quasi gerantur, sub aspectum pene subjectio, ut actione in *Verrem* Septimâ, habet *Cicero*, hoc modo.

Iple

Ipse inflammatus scelere ac furore in forum venit, ardebant oculi, toto ex ore Crudelitas emicabat.

Aliam nobis suppeditat *Hypotyposin* Cicero quanta in *Catilinam* oratione his verbis.

Videor enim mihi hanc *Arbem* videre, lucem orbis terrarum, arcem omnium gentium, subito uno incendio *Concidentem*.

Hic notandum per *Hypotyposin* non tantum describi quæ jam facta sunt, aut actu sunt, sed ea etiam quæ futura sunt, aut fore credebantur;

Ad hujus autem *Figure* inchoationem per quam appositæ sunt hæ formulæ inchoandi.

Talia credite vos intueri.

Hæc non vidistis oculis, animis sic cernere potestis.

CAPUT VIII.

De Ethopaia.

Ethopaia est vitæ ac morum alicujus personæ descriptio, quæ *Figure* non vulgare Orationis instrumentum est, & magnam vim habet tum ad conciliandos, tum etiam ad permovendos auditorum animos.

Exemplum habet Cicero oratione contra *Rullum* his verbis.

Ineunt tandem magistratus tribuni plebis. Concio tandem expectata *Publii Rulli*, quod & Princeps erat *agraria Legis*, & truculentius se gerebat quam cæteri, jam designatus, alio vultu, alio vocis sono, alio incessu esse meditabatur, vestitu oblectiore,

teriore; corpore inculto & horrido, Capillatio
quàm ante, barbâque majore, ut oculis & aspectu
denuntiare vim tribunitiâ, & minitari Reipub-
licâ videretur.

Hæc *Figura* licet *Hypotyposis* affinis, ab eâ tamen
in hoc differt quod ad vitæ, & morum personæ de-
scriptionem restricta sit, cum *Hypotyposis* pro mu-
nere habeat, res alias omnes cujuscunque sint ge-
neris, oculis descriptione quâdam subijcere.

CAPUT IX.

De Prætermissione.

Prætermissio vel ut vulgò dicitur *Præteritio*, à
Cicerone reticentia vocatur, est autem *Figura*
quâ dicimus nos vel præterire, vel nescire, vel
nolle dicere, id quod tunc maximè dicimus, sic
Cicero in Rullum.

Non queror diminutionem vestigalium, non fla-
gitium hujus jacturæ atque damni, prætermitto
illa quæ nemo est, quin gravissimè & verissimè
Conqueri possit, non Caput patrimonii publici pul-
cherrimum, populi Romani possessionem, subsidi-
um annonæ, horreum belli, sub signo, claustris-
que Reipublicæ positum, vestigal servare non po-
tuisse; non dico hoc solum in Reipublicæ vestigal
esse quod amissis aliis, remanet, intermissis autem
quiescat, in pace niteat, in bello non obsolescat,
militem sustineat, hostem non pertimescat, præter-
mitto omnem hanc orationem, & concinioni re-
servo; de periculo salutis ac libertatis loquor

Hujus *Figura* ideam quondam ipsemet dedi in
quâdam

quadam dedicatoriâ ad *Serenissimum betruria* principem Epistolâ, cum (quibusdam abhinc annis) nostri Britannici Monarchæ gloriosam inviseret aulam, hîc eam nunc placet annexere, iisdem quibus tunc formata fuit verbis.

Lubens igitur taceo *Serenissimo Princeps* tot illustrium *Heroum* bellica facinora, sileo potentiam, non scrutor opulentissimas gazas auri & argenti *Serenissimi magni Ducis*, quæ tanquàm tutamen & detus Patriæ, nervus belli, terror inimicorum, illum domi Subditorum delicias, foris hostis formidabilem efficiunt, omitto quam plurima alia præclarè gesta, qualia multi alii principes jactare haudquaquam possunt, prætereo *Cosmicam de Medicis* familiam *Romanæ* sedi supremos Pontifices, *Ecclesiæ* Principes *Cardinales* Imperatoribus ac Regibus dignissimas sponas (seracissimæ instar stirpis) non semel impertivisse, ac ab ipsis quoque vicissim recepisse quod ut ne procul peterentur exempla, vestræ celsitudinis exemplo probare possem; placuit enim ipsi, Electione Regio *Borbôniorum* genere, selectissima conjugis, cum tribus Christiani Orbis Potentissimis regibus, (*Gallia* videlicet, *Anglia* & *Hispania*) germanam ut vocant, hoc est, arctissimam Contrahere sanguinis cognationem. *Deus optimus Maximus* in illustri vestro Connubio talem foveat amoris copulam, ut nulla unquam sæcula parem (inter tam illustres pares) animadverterint.

CAPUT

CAPUT X.

De Sufientatione.

Sufientatio *Figura* perilluftris eft, quæ diu Sufpenduntur auditorum animi, atque aliquid deinde inexpectatum subiungitur. In hoc enim hæc Confiftet *Figura* quod cum diu fufpenderit orator auditorum animos, factâ enumeratione quorundam factorum, quæ ex tali vel tali causâ evenire folent, fubiicit tandem factum aliquod aliis præcedentibus multo improbius.

Exemplum hic annexto de indulgentis nimium liberarum educationis infortunato ac infelici ex, fructu his verbis.

Quid quæfo credis eventurum illis (quos adeo indulgenter educa) d. liberis, quibus tantopere parcis ut vel ipfius virgo aspectus & nomen illis curdam fore terrori verearis, cum pubertatis excelsu in annos? eos forfan existimas fore solummodo monitoribus alperos ac refragantes cum tuis fuerint adeo affueti blanditijs, hoc parum eft, credis fortaffe eos gaviſuros duntaxat equis, canibus, & aprici gramine Campi, ut dicit poeta, neglectis melioribus vitæ exercitijs: Sed hoc adhuc fere nihil opinaris futuros eos utilium tardos proviſores, prodigos æris tuo labore ac sudore congeſti, & hoc adhuc parum tibi fortaffe promittis (cum ad virilem pervenerint ætatem) eos ultro ac pedentim relicturos ea omnia quorum puerilibus in annis contraxerunt nimia tua indulgentia habitum, ô nequaquam! Cerei cum fuerunt puerili ætate in vitia flecti, ea quaſi ſoliſſimo marmori impreſſa diutiſſimè retinebunt,

juxta

juxta
bit od
ad n
sed ne
rea tu
tures
ri, q
halan
pecta
solum
ipſim
erunt
næ,
veru
unt
am R
quan
confi
Co
tor,
alicu
leve
Et
quib
nava
te ve
nom
ſcit
nis p
ut d
hoc
quan
lum
ſatis
nis,
tâ ra
affer
doru

juxta illud poetæ, Quo fuit imbuta recens, servabit odorem testa diu, sicque periculum est ne tales ad mortem usque perseverent quales eos educasti; sed nec adhuc hoc totum est, erunt enim præterea tuorum præcordiorum quasi rapacissimi vultures, erunt tuæ senectuti Languori, erunt Mæro-ri, quin immo tuorum etiam pertæsi annorum, exhalantis tuæ è corpore exitum impatientes expectabunt, & gaudentes audient; sed nec paternæ solummodo bonitatis læsæ reos, se præstabunt, ipsimet adhuc patriæ erunt dedecori, erunt oneri, erunt detrimento, & multi nonnunquam fuerunt ruinæ, patent in historiis non pauca exempla; adeo verum est eos qui non rectè erudiunt, ac instituunt liberos, non solum liberis & sibi ipsis sed etiam Reipublicæ facere injuriam, Reipublicæ inquam cujus totum decus & firmamentum in ipsâ consistit liberorum Educatione.

Contrarium etiam sæpe hac figura observat orator, tunc videlicet cùm postquam expectationem alicujus rei gravissimæ concitavit, ad aliquid quod leve est, aut nullo modo criminofum descendit.

Et hæc de figuris sententiarum dicta sufficiant, quibus sedulam debet artis oratoriz Candidatus navare operam, si aliquam in hac nobilissimâ arte velit famam adipisci, ac aliquod sibi acquirere nomen; non nisi fabricando sunt fabri, & tantum scit homo, quantum operatur, putridus est omnis præceptorum apparatus sine exercitatione; ac ut dicitur in Scholis *merus Logicus merus Asiaticus*, hoc est, nunquam argutus evadet Logicus, nunquam subtilis fiet disputator qui vel Logicas solum audire lectiones, vel Logicos evolvere libros satis sibi credit esse, nulla publicæ Exercitationis, nulla crebræ in publico disputationis habitâ ratione vel curâ. Idem & de Rhetora potest asseri, solâ exercitatione & frequentium Periodorum tum Figurarum, tum integrarum & jam orationum

orationum constructione potest enitescere; splendescere, ac tandem insignem se reddere Oratoriam.

Quinta RHETORICÆ Pars.

De Oratione Integrâ.

Præfatio.

Quemadmodum partes omnes, natura saltem ordine sunt priores Compositio, ideo jure sane meritisimo partium tractatio, Compositi tractationem debet præcedere; quâ motu ratione, in hac Eloquentiæ ideâ primæ egi de Periodis, Tropis, Figuris quæ integrantes sunt Orationis integra partes, nunc igitur suo ordine totam intueamur orationem, de qua hoc primò notandum quod ut oratio clarè, distinctè, ordinatè, & sine ullis superfluis radiosisque procedat repetitionibus, Partes ipsæ quatuor ascribuntur, in quas distribuenda est oratori, si eam apprimè Elaboratam velit Conficere; eæ autem partes sunt Exordium, narratio, Confirmatio & Peroratio.

Narratio & Confirmatio quæ sunt quasi Oratoriam integræ Corpus deserviunt instructioni auditorum,

rum; declaratione nimirum, explicatione, & rei de qua agitur, de qua dubitatur probatione.

Exordium verò & Peroratio quæ orationis integræ sunt veluti extrema & termini alios habent usus qui in earum patobunt tractatione.

C A P I T U M P R I M U M.

De Exordio in Communi.

Exordium quoddam est orationis quasi Prolegomenon, quædamque præfatiuncula, quâ Orator suorum auditorum animos idoneè præparat ac disponit ad reliquam orationem benignè attentèque audiendam, quod ut ab iis obtineat varia inducit Capita, quæ Captandæ illorum benevolentia & attentioni censet proficua, ea autem depromit vel à temporum, personarumque circumstantiis, vel a rei de quâ acturus est dignitate, excellentiâ, necessitate, aliisque adjunctis prout Oratoris judicio & Prudentiæ videbuntur ad rem conducere; hic enim ad nullam certam legem astringitur Orator, sed omnia ejus relinquuntur arbitrio, ita ut prout ipsi visum fuerit, ad auditorum benevolentiam, attentionem, docilitatemque sibi Comparandam modò hoc, modo illo utatur argumento, quod proposito assequendo judicabit aptius, & Causarum sive Orationum varietati affinius.

Hic autem unum imprimis observet Orator debere eum scilicet in Exordio suæ Orationis breviter indicare naturam rei de quâ est acturus, nec non

non in certa dividere Capita quæcunque de eâ re vel causa auditoribus proponere intendit, sic enim impeditur confusio quæ alias in Orationem irreperet, sic summa totius rei dilucidè ob oculos ponitur, sic denique non mediocriter juvatur auditorum memoria, quibus omnibus facile inducuntur ad docilem reliquæ Orationi præbendam attentionem. Licet autem ad captandam auditorum attentionem & benevolentiam non possit in genere ascribi oratori peculiaris quædam formula, tamen habitâ ratione ad hoc vel illud dicendi genus, potest & debet certo quopiam uni medio, exempli gratiâ in obscuro, abstruso & excelso dicendi genere debet auditoris Captare docilitatem spe perspicuæ explicationis, & fortis probationis, in causâ ancipiti, vel cuiuspiam obnoxii suspicioni conetur orator docilem reddere auditorem mentione per transennam factâ authoritatis & integritatis virorum qui tali subscribunt causâ, vel alterius cuiuspiam Capituli quod infestum ejus judicium retineat, donec paulatim orationis decursu plane devincatur & in Oratoris Sententiâ deducatur sensim sine sensu auditor.

Si denique apud fatigatos vel impatientes auditores oratori dicendum sit, brevitatis pollicitatione, ipsorum conetur levare tædium, & ad placatam attentionem disponere.

Cum autem in Exordio debeat orator æstimationem quandam, & sui Commendationem in auditorum excitare animis, ideo orationum Exordia debent, quantum fieri potest, tum verbis, tum Sententiis Selectissimis instrui & procedere, hoc tamen summopere vitare conetur orator ne prolixè nimis & diffusè protrahat Exordium, cum enim illud sit in oratione Exordium quod vestibula & aditus sunt in ædibus ac templis, tali debet contineri ambitu qui cæteris orationis partibus summe sit impar, & longè inferior.

Et hæc dicta sufficiant de Exordio in Communi, restat ut breviter quædam adjiciam quæ spectant ad exordium prout ad hoc vel illud dicendi genus pertinet.

CAPUT II.

De Exordio Respective ad varia dicendi genera.

Primo igitur in genere judiciali ex ipsis visceribus Causæ a veteribus Oratoribus sumebantur quandoque Exordia, Exemplum nobis suppeditat Apostolus gentium ductus in arcopagum ierusalem quod Jesum annuncians, ejusdam peregrini Dei videretur esse annunciator, sic autem incipit actum, 17. Cap. 1. 22. Viri Athenienses omnino conspicio vos quasi religiosiores, pertransiens enim & Contemplans sacra vestra, invenietiam aram cui scriptum erat, ignoro Deo, quem ergo ignorantes colitis, hunc ego vobis annuncio, Deus ille, qui fecit mundum & omnia quæ in eo sunt, cum sit Cæli & Terræ Dominus, in manifestis templis non habitat, nec manibus hominum colitur, alitujus rei egens cum ipse det omnibus vitam & halitum & omnia, &c.

Apostolus judæorum simile quoque nobis subministrat exemplum Act. Cap. 13. v. 2. Orans coram senioribus populi his verbis.

Quandoquidem de nobis hodie quæstio habetur super beneficio in hominem infirmum Collato, quomodo videlicet iste servatus sit, notum sit omni-

nibus vobis, & toti populo Israelitico, per nomen Jesu Christi Nazareni, quem vos crucifixistis, quem Deus suscitavit ex mortuis, per hoc inquam istum ad stare sanum in vestro Conspectu, &c.

Secundo in ipsomet ingressu iudicem sibi quoque aliquando Conciliabant, honorificā mentione factā illius integritatis, quā innocentiam tuerur illasam, a quā læsi receptæ injuriæ rationem expostulantes, jus suum semper obtinere, quā denique æqua & recta judicia incorruptè exercet, cujus rei illustre adhuc exemplum dedit Apostolus Paulus, *Act. 26. Cap. v. 2. & 3.* Ubi causam defendens coram Rege Agrippa Exordium Apologiæ suæ sumit à persona iudicis quem Commendat aperitiā tum Ceremoniarum tum quæstionum legis, quarum nomine in iudicium ducebatur à judæis, sic autem loquitur.

Super omnibus de quibus postulor à judæis Rex Agrippa, beatum me duco, quod sim hodie defensione apud te usus, maxime quod te gnarum esse sciam omnium qui apud judæos sunt rituum & quæstionum, ideo rogo te ut me patiente animo audias.

Ubi etiam dignum est observatu, qualis sit Exordii clausula, supplex scilicet, directā ad iudicem, ideo (inquit) rogo te ut me patiente animo audias. Quæ clausula ad benevolentiam & attentionis captationem non parum conducit, rogari enim ne iudicibus quidem grave est, sed suave. Nec etiam hanc civilitatis Legem pietas prohibet, sicut nec leges forenses excludunt pietatem, unde cum Paulus in materiā Religionis pro se ipso agens, adeo suppliciter iudicis attentionem rogaverit, Oratorem etiam in causā forensi agentem, divinæ gratiæ rogare auxilium nec dedecet, nec debet pudere.

Tertio quod attinet ad naturam Exordii in genere tum demonstrativū, tum deliberativū, licet plera-

pleraque jam dicta illi etiam queant adaptari ad Captandam auditorum benevolentiam & docilem attentionem, in hoc tamen utroque dicendi genere notandum est, exordiorum naturam longe liberioresse; ea enim sumit Orator pro arbitrio vel à re quâpiam vicinâ & affini causâ de qua est acturus, vel etiam à quâlibet aliâ re causâ suâ absimili, & quasi procul petitâ, ita tamen ut antequam ad clausulam perveniat, Exordii sui discursum ad Causâ præsentis naturam accommodet, sicque sensim sine sensu redeat ad argumentum suum à quo in principio quasi aberrare videbatur.

Hoc adhuc hic notare operæ pretium est, nimium in his duobus dicendi generibus non debere Oratorem adeo suppliciter agere, ac in genere judiciali, quia hic non ut supplex ad iudicem venit, sed ut hortator & quasi suasor auditores alloquitur.

Sed jam satis superque de Exordio, transeamus ad narrationem.

C A P U T III.

De Narratione.

Narratio est rei de quâ tractandum est Expositio, & Applicatio, quæ primò ut intelligi possit ab auditore debet esse clara, distincta & perspicua, secundò ut eam facilius & memoriæ mandet, & memoria teneat auditor, debet esse brevis; tertio ut illi fides adhibeatur oportet ut sit probabilis; & ideo his præcipue rebus in narratione sua

stendere debet orator, brevitati scilicet, perspicuitati, & probabilitati.

Erit autem brevis narratio si simplicibus confictis verbis, si vitatâ prorsus omni inutili repetitione semel duntaxat unaquæque res dicatur, & recedantur omnia quibus sublati neque cognitioni quicquam, neque utilitati detrahatur, non tamen inculta debet esse hæc brevis, multò minus indocta, sed eam ornare conetur orator & frugali Elegantiâ & receptâ doctrinâ, sic enim Orator efficiet narrationem jucundam simul & suavem auditoribus suis, quâ narrationis jucunditate ac suavitate testatus est olim se vehementer delectari oratorum Princeps *Tullius*.

Erit perspicua, si verbis usitatis, si propriis, si ordine non interrupto narretur, si procul absit omnis Confusio, ita ut prima ultimis, media primis & ultimis concinnâ methodo cohercant, nec non sua cuique loca tribuantur.

Erit denique probabilis, si personis, si temporibus, si locis ea quæ narrantur rectè consentiant, si res narrata quopiam alio muniatur præsidio, quale est tum ipsius oratoris probitas, tum etiam autoritas aliorum virorum qui ipsorummet auditorum judicio probantur ut fide dignissimi, & qui suffragio suo ratam habent rem narratam, ac illi favent, si denique nec legi humanæ, nec piis moribus, nec religioni adversetur; hæc enim omnia conciliant auditorum fidem, & horum præsidio munita cum est narratio, nulli non verosimilis primâ fronte faciliè apparet.

Nunc vero quando utendum sit, aut non sit utendum narratione apprimè sciendum est, nam in genere judiciali cum notas re est, nec ullus in dubium revocat, quid gestum fuerit, nulla (ex necessitate) adhibenda est narratio, at verò tum duntaxat adhiberi debet, cum ignota res est vel in se ipsa vel in essentialibus quibusdam circumstanti-

is, quarum recta notitia ad æquum ferendum iudicium sit planè necessaria, utpote quæ rem, quæ dijudicanda proponitur, efficiant vel nocuam, vel innocuam. Itidem si adversarius prius narraverit, supervacanea etiam videtur iterata Narratio, nisi aliquid falsum, vel refutatione dignum suæ inseruerit Narrationi.

In exornatione vero vel genere demonstrativo, quod continet laudes vel vituperia personarum, vel statim ab Exordio vel si oratori visum fuerit non adeo immediate post exordium adhibenda est narratio ejus rei quæ vel vitio vel laudi vertitur, et homini quem intendit orator vel laudare vel vituperare.

Tandem in genere deliberativo, sive suasio narratio rarissime adhiberi solet & ratio in promptu est, etenim narratio est rerum vel præteritarum vel præsentium declaratio, suasio autem quæ in genere deliberativo intenditur spectat ad res futuras quas faciendas aut suadet aut dissuadet auditori orator, & præterea ibi dumtaxat exigitur narratio, ubi est ignorantia ejus rei quæ solet enarrari, ac proinde cum nemo ignoret id quod facere aut non facere ab oratore consulitur, sequitur sane in genere suasio narratione nequaquam esse opus.

Occurrunt sæpe tamen non pauci ad genus deliberativum pertinentia, & ad suadendum maxime efficacia quæ enarrari non erit inutile, qualia sunt affinia rei quæ suadetur vel dissuadet exempla, affines historiae, earumque prosperi, aut è contra inauspicati eventus, multaque consimilia, & hæc de narratione dicta sufficiant, pergamus ad tertiam orationis partem quæ est confirmatio.

CAPUT IV.

De Confirmatione.

FRustra quidvis quis dicit, nisi ejus rei quam asserit fidem faciat, unde tritum illud apud juris peritos axioma, *allegata non probata nihil sunt* & hinc est quod narrationem semper immediate sequitur probationum cohors, ut quod narratum est, ab auditoribus credatur; licet enim de veritate verissime dici queat, *Probari res ipsa negat, contenta doceri, nil opus externa cupiens, nil indiga laudis, divitiis animosa suis*, quia tamen involuta veritas, & mendacium à non paucis dicitur, & quasi merum figmentum à mente humanà ad incredulitatem propensissima rejicitur, ideo illius persuasio summum sane opus est, proindeque ad eam persuadendam præcipuam quoque mentis humanæ functionem, rationem videlicet adhibet orator, cujus functionis operà quamprimum veritatem narravit, eam argumentorum, probationumque suarum præfidiis confirmat auditori, ac ideo tertia hæc orationis pars jure vocatur confirmatio, in gratiam & quasi subsidium veritatis involuta, fereque periclitantis prodians in Campum.

Unde patet Confirmationem esse eam orationis partem, quæ est narratæ veritatis quasi robur & firmamentum, sive in quâ ea quæ narrata fuerunt Confirmantur per argumentationes, probationes, testimonia, aliaque media quæ rei narratæ fidem faciunt, & auditoris assensum sibi conciliant; infirmantur etiam & refutantur in confirmatione ea quæ rei narratæ videntur contraria, &

forſan impedirent quo minus fides ei ab auditorio adhiberetur; non enim quæ narramus recte confirmantur, niſi reſutentur ea, quæ eis apparent repugnantia, idcirco in confirmatione conjuncta ſunt rei narratæ probatio, & contradicentium argumentorum reſutatio, utque orator muneri ſuo abſolutè faciat ſatis, hoc utrumque debet implere, probare ſcilicet narrationem ſuam, & quas adverſarii opponere poſſunt inſtantias reſellere, quod ut dextrè faciat oportet prius oratorem *cauſa ſtatum* recte intelligere.

Cauſa autem ſtatus ſive Conſtitutio, eſt illa quæſtio vel res quæ Controvertitur, quamque orator intendit probare, & adverſarius infirmare, (verbi gratiâ) unus accuſat infortunatos illos, geminos fratres batavos nuper tam Tragicè ſato deſunctos, quod conjuraverint in Reipublicæ interitum, quodque unus eorum *Principis Arauciaci* vitam attentaverit, ſed orator longe propulſat illam accuſationem, aſſeritque eos non conjuraſſe, ex quâ variâ tum accuſatoris tum oratoris opinione & quaſi Conſtitione naſcitur, & in medio relinquitur utrum *hi gemini fratres* Conjuraverint in interitum patriæ nec ne? & hoc eſt quod vocatur *Cauſa ſtatus*, vel Conſtitutio; vel etiam *ſtatus quæſtionis*, vel ſimpliciter *quæſtio*. Vocatur ſtatus cauſæ quia in eo cauſa conſiſtit, vocatur quæſtio quia eſt id quod quæritur, ut conjuraverint ne illi fratres contra patriam, nec ne? inſidiatus ne eſt unus eorum Principi Arauſiaco, nec ne? fuit ne Nero Imperator an tyrannus? Pa-pa eſtne Episcopuſ univerſalis an Romanuſ tantum? &c.

Cognito ſic ab oratore cauſæ vel quæſtionis ſtatu, omnes adhibeat vires ad rem narratam & controverſam probandam efficaciter, nec non omnes adverſarii inſtantias clarè ac validè reſellendas, quod ut faciat, confirmet narrationem ſuam præſidio argumentorum omnium quæ rei narratæ poſſunt conciliare fidem auditorum. In

In producendis autem argumentis attendat & ponderet diligenter rectum ordinem, rectamque collocationem argumentorum, qui ordo hic est; ut firmissima quæ habet disponat tum in primâ, tum in extrêmâ acie, si quæ habet mediocria, & non demonstrativa, in mediam turmam Conjiciat; exauthoret autem penitus & excludat à suâ confirmatione infirma quævis & vitiosa argumenta, utpote quæ veritati sint dedecori, sint detrimento potius, quàm emolumento ulli aut adjumento; dant enim adversario animum, dant vires, præbentque ansum obstrependi, ac insultandi veritati.

Nunc vero ea argumenta censentur firmissima, primò quæ sensibus percipiuntur, ut quæ videmus, audimus, deinde eaque Communi hominum opinione, atque Sententia sunt Comprobata, ut afficiendos esse honore parentes, Deum esse colendum, Regem honorandum, &c. tertio quæ legibus cauta sunt, & quibus ne ipse quidem adversarius contradicit.

Inter hæc firmissima argumenta potest orator quædam probabilia inferere, ea enim est natura argumentorum probabilium ut rem per se dubiam reddant probabilem sive credibilem.

Hoc vobis subjicio exemplum de vi argumentorum probabilium.

Exortâ aliquâ seditione dubitatur de aliquo num fuerit seditionis conscius, dubium illud efficitur probabile tali argumento probabili. Qui æris alieni opprimuntur magnitudine, qui in rempublicam sunt non bene affecti, & formam regiminis indigne ferunt, ac vituperant, qui ingenio vehementi ac factioso præditi sunt, tales probabile est ad seditiones esse proclives, facileque annunt se quarumlibet seditionum fieri Socios ac participes, talis hic est semperque fuit habitus, satis igitur credibile omnibus videri debet eum esse exortæ seditionis conscium ac reum.

Hæc

Hæc sunt argumenta tum firmissima, tum probabilia, quibus debet orator in Causæ suæ narratæ præsidium texere Confirmationem suam, quæ propria sedes est argumentorum, ac proinde in quâ orationis parte hoc unum incumbit oratori, ad veritatis defensionem nec non probationem, ad devinciendam sibi auditorum fidem, hoc unum inquam incumbit oratori ut selectissimis argumentationibus expatiatur, ac cum adversario suo quasi digladietur.

Est autem argumentatio artificiosa quædam argumenti expositio & explicatio, ut enim dialectici veritatem suam probant variorum argumentorum inductionibus, sic & oratores quoque, cum hæc tamen differentiâ, ut non tenuiter more dialecticorum proponant argumenta sua, sed copiosissime expoliant, atque artificiosè exponant, quæ artificiosa argumentorum expositio, cum ut jam supra dixi sit argumentatio; differamus hic enucleatè & succinctè de variis generibus ac modis argumentationis, oratoribus perinde ac Philosophis usuratis & maximè necessariis cum supradictâ tamen differentiâ.

CAPUT V.

De Syllogismo.

UT affines scientiæ quibusdam solent convenire Capitibus, quæ ipsis ob affinitatem sunt Communia, idem Rhetoricæ & Logicæ cognatis artibus & aliquo modo subordinatis, hæc videmus contingere, conveniunt enim multis, ac præcipuè veritatis adminiculis, & quasi fulchris quæ sunt
varia

varis argumentandi, nec non veritatem probandi, confirmandique genera, quæ proinde oratoris, perinde ac Logici summè interest recte nosce, & in promptu semper habere. Interea autem primum obtinet locum Syllogismus Latine ratiocinatio.

Syllogismus autem est genus argumentationis, in quâ propositionum duarum duo termini sic junguntur in aliquo tertio, ut necesse sit eos eodem modo inter se conjungi. Exempli loco sit hic Syllogismus.

Omniſ proditor jure morte afficitur,

Clodius est proditor.

Ergo Clodius jure morte afficitur.

Hic in duabus propositionibus jure morte affici & Clodius inter se junguntur affirmativè in eo quod est proditorem esse, Aristoteles Rhetorum pater, æque ac Philosophorum sic Syllogismum definit, *Lib. 1. Prior. Cap. 10.*

Συλλόγισμος ἐστὶ λόγος ἐν ᾧ τεθέντων τινῶν ἕτε-
ρὸν τι τῶν λεγμένων ἐξ ἀνάγκης συμβαίνει τὰ
ταῦτα ἕτερα. Latine.

Syllogismus est ratiocinatio in quâ positis quibusdam aliud quid necessario sequitur, propter, ea quæ posita sunt.

Talis autem Syllogismus constat ex partibus & partium nexu.

Partes sunt propositiones, numero tres, quarum prima vocatur major propositio, quia continet majus extremum & primo loco ponitur, secunda vocatur minor propositio, quia continet minus extremum, & secundo loco ponitur, unde vulgò dicitur subsumptio vel assumptio, quia sub majori assumitur propositione, tertia propositio vocatur Conclusio, quia concludit & terminat Syllogismum, quam ob rem eam Græci vocant

cant *συμπερσους* à *συμπεριω*, id est termino; Dux primæ propositiones vocantur præmissæ, quia ponuntur, ante conclusionem; tertia propositio vulgò dicta conclusio vocatur etiam aliquando illata, quia insertur & Colligitur ex duabus præmissis propositionibus.

Partium nexus in *Syllogismo* est legitima earum inter se dispositio, quæ oritur ex inventione mediæ, iste autem partium nexus & ordo, est forma *Syllogismi* & dicitur *bona Consequentia*, quæ est recta connexio omnium partium *Syllogismi*, in quâ nullum præceptum dialecticæ violatur, ille quoque nexus & ordo partium est anima totius *Syllogismi* ac proinde ut animâ remotâ immobile jaceret corpus, sic in *Syllogismo*, distracto ordine, & sublata recta partium Connexione ac Copulatione, mancus omnino, & omnis expers facultatis remanet *Syllogismus*.

Sunt & alia quam plurima de *Syllogismo* dicenda, quæ brevitatis studium non me finit hic attexere, cum insuper ad *Logicum* potius quàm ad *Oratorem* pertineant, itaque unicum hic adhuc subjecio, non debere scilicet *Oratorem* more dialectico *Syllogismum* tractare, nec in *Pulpito* argumentari *Philosophi* instar; sed *Oratorio* more sua argumenta proponere, quod ut observet, non tripartitam modo efficiat ratiocinationem suam ut *Logicus* efficit, sed tùm probationis, tùm orationis gratiâ, quinque partium ambitu eam terminet in hunc modum, sit probandum *Mundum* consilio regi, propositio Major sic efformetur.

Nemo inficiari jure potest, ea melius gubernari quæ consilio geruntur, quam quæ sine consilio administrantur.

Deinde subjiciat talem probationem.

Is enim exercitus cui præpositus est sapiens imperator, omnibus partibus commodius sane regitur, quam is, qui imprudentiâ & temeritate cujuspiam
inex-

inexpertis ducis huc illuc inconsulto circumfer-
tur;

Ponatur nunc assumptio.

Nihil autem omnium rerum quæ sub cælo sunt,
& totius universi ambitu continentur, melius ad-
ministratur ac regitur, quam videmus nunc Mun-
dum gubernari, & à memoria hominum accepti-
mus semper gubernatum fuisse.

Adjungatur assumptionis probatio.

Signorum enim obitus & ortus definitum quen-
dam ordinem servant, annuæ insuper Commuta-
tiones non eodem duntaxat semper sunt modo,
verum ad utilitates quoque rerum omnium ita sunt
accommodatæ, ut nec abundantia nec varietatis
respectu, quidquam mortales justè possint conque-
ri sibi deesse.

Tandem Eliciaturo conclusio hoc modo.

Consilio igitur Mundum administrari quis ne-
get? immo verò quis nisi omnis rationis expertus &
ratiocinationis prorsus incapax in dubium revoca-
re audeat?

Et hæc est oratoria ratiocinatio longè profecto
diversa ab eâ quam construeret *Logicus*, qui sic in
tali argumentationis datâ occasione procederet.

Quæ optimè administrantur, ea consilio gu-
bernantur.

At nihil mundo melius administratur.

Ergo Mundus consilio gubernatur.

Hæc *Logica* ratiocinatio tantum tripartita est,
sive tribus solummodo constat propositionibus,
cum Oratoria ratiocinatio quinque partita sit,
vel quinque includat propositiones. Pateat ma-
gis hæc differentia, ac illustretur adhuc alio ex-
emplo.

Logicus & *Orator* probandum sibi assumunt pru-
dentiam esse expetendam, quod sic *Logicus* probat.

Summopere virtus est expetenda.

At prudentia est virtus.

Ergo prudentia est summopere expetenda?

Sed idem longè diverso modo probat *Orator* his verbis.

Virtus semet ipsa nulloque externo cultu ornata amabilis adeo semper & a singulis fuit iudicata, ut eam nemo unquam ritè agnoverit, qui non summè expetendam censuerit; & jure sanè meritissimo; quid enim potest nobis esse oprabilius virtute, utpote quæ non solum maximorum hæc in viâ bonorum causa & origo sit, verum etiam ad celestem beatitudinem, statum omnium bonorum aggregatione perfectum nos præparet, ac quasi viâ certissimâ ducat, at prudentiam virtutem esse apud omnes est in confesso, & quis amabo honorificam hanc virtutis appellationem denegaret prudentiæ? prudentiæ inquam, quæ non virtus duntaxat, sed aliarum virtutum quasi regina est, ea etenim omnes alias dirigit ac moderatur in accommodatione mediocritatis ad diversas circumstantias loci, temporis, & personarum. Per eam bona a malis distinguimus, & inter ipsa bona delectum habemus, per eam non solum prævidemus quid fugiendum, quid eligendum sit, verum etiam ad malum fugiendum, bonumque agendum inducimur, quo nomine eam habitum verum cum rectâ ratione activum definit *Philosophorum Princeps Aristoteles, 16 Eth. Ca. 5.* Constat igitur, nec denegari potest prudentiam præcipuum mentis humanæ ornamentum summopere *Hominibus* expetendam esse.

In hunc modum quod *Logicus* tribus *Concisis* propositionibus probaverat, magno diffusoque sermone, quinquepartitâ videlicet ratioeinatione probat *Orator* & hæc de Syllogismo, sequitur dilemma.

CAPUT VI.

De Dilemmate.

Dilemma est species Syllogismi disjuncti, bifor-
 mis, cujus disjunctione utrinque adver-
 sarius ita Constringitur, ut siue hoc neget siue il-
 lud, elabi non possit, dicitur autem dilemma à
 δι, λαμβανέσθαι quia utrinque Capit & Constrin-
 git adversarium, contra quem adducitur, Cic.
 1. Rhet. vocat complexionem; complexio (inquit)
 est utrum utrum concesseris, convinceris in hunc
 modum.

Si victor manes, urbs tua erit; si victus, miti-
 us tecum aget inimicus, eo quod urbi peperce-
 ris.

Dilemma vocatur aliter Syllogismus cornutus,
 quia utrinque velut Cornu ferit adversarium, à
 nonnullis vocatur quoque Syllogismus Crocodo-
 linus, quia Crocodilus, si eum sequaris, ducit in Ni-
 lum; si fugias te sequitur, & Comprehendit. Hoc
 genere argumentationis valde turbatur adversarii
 animus quia rarissime, nec non sine magnâ diffi-
 cultate se potest ab eo extricare, illustre nobis dat
 exemplum Tullius primâ in Catilinam oratione
 his verbis.

Nulla modo possum iisdem parietibus tuto es-
 se tecum, discede itaque, atque hunc mihi timo-
 rem eripe, si verus, ne opprimar, sin. falsus ut
 tandem aliquando timere desinam.

Incarnatum Dei verbum, patientiæ ut & alia-
 rum virtutum exemplar, Illustrissimum dilem-
 matis exemplum nobis quoque reliquit, Joan 18.
 Cap. Ubi salvator sæcus noster ab uno è Mini-
 stris

stris Caiphæ Pontificis maximi, sic illi monstro
ratiocinatus est.

Aut bene loquutus sum aut malè ; si bene cur me
cædis? si malè, testare de malo.

C A P U T VII.

De Enthymemate.

ENthymema est Syllogismus imperfectus non
mentis, sed orationis tantum respectu, men-
te enim tres propositiones conspiciuntur, licet ora-
tor ex his unam dissimulet brevitatæ gratiâ, itaque
Enthymema est pars Syllogismi, vel est Syllogis-
mus cujus altera præmissa, scilicet major sive mi-
nor reticetur, ac proinde cum Syllogismus Logi-
cus sit tripartita ratiocinatio, enthymema est bi-
partita argumentatio, quæ bipartita argumen-
tatio ideo vocatur enthymema quia in animo manet
condita ea præmissa, quæ silentio est præterita,
enthymema enim significat celerem cogitationem.
Ἐνθυμημα namque Græcis est animus, unde sit *ἐνθυμημα*
vel *ἐνθυμημα* quod significat animo verso sive col-
ligo tacita cogitatione, unde *τὸ* enthymema im-
positum est huic bipartitæ argumentationi quæ
unam præmissarum omittens Logicus eam solum-
modo animo suo versat sive colligit tacitâ cogita-
tione brevitatæ causâ, Exemplum enthymematis
hoc est.

Omnis virtus est expetenda
Ergo expetenda est prudentia,

Prior

Prior propositio enthymematis vocatur antecedens, posterior, quæ est conclusio, vocatur consequens.

Enthymema reducitur ad Syllogismum perfectum addendo propositionem quæ deest, utra autem desit major an minor, perspicitur ex conclusione, nam si prædicatum conclusionis non apparet in antecedente, deest major, si subjectum non apparet, deest minor.

Hoc autem enthymemate frequenter admodum utuntur oratores, ideo illud Aristoteles vocat Syllogismum oratorium utpote oratoribus usitatissimum, ubi observandum oratores ut Syllogismos, sic & enthymemata quoque diverso ab eo qui logicis est usitatus modo contexere; ea enim poliant, ea quàm maxime possunt, adornant tum figuris, tum verbis selectissimis; locuples enim & speciosa vult esse Eloquentia etiam in argumentando, creditque quo fuerit uberior ejus argumentatio, quò subtilior, quò suavior, eò etiam fore credibiliorem, & majori dignam fide, & (ne mentiar) ita se res habet, veritas enim Eloquentiæ leporibus adornata potentius influit in auditorum animos.

Nunc autem Communior formula construendi more oratorio enthymemata, est via interrogationis; Exemplum hic subjicio.

Quam quæso credis tibi expetendam esse virtutem? si prudentiam virtutum omnium Reginam ac moderatricem adeo parvi pendis & fugis.

Addo & aliud his verbis.

Cui alteri quæso, cui alieno te fidum præbebis? si Deum Creatorem, & Largitorem omnium (quibus frueris) bonorum, tantâ afficis infidelitate.

Hæc duo Enthymemata sic Logicus construeret.

Prudentiam parvi pendis & fugis.

Ergo nullam æstimas nec expetis virtutem.

Deo es infidelis.

Ergo nulli fidus es.

CAPUT VIII.

De Inductione.

Inductio aliud argumentationis genus non igno-
bile, ex Collectione singularium extruit uni-
versale; siue inductio est quâ ex pluribus aut sin-
gularibus vel etiam particularibus præmissis Col-
ligitur universalis conclusio.

Est autem inductio instrumentum notificand
aptissimum, quia ejus operâ, sensus noster proce-
dit à singularibus ad generalia atque sic intellectui
notificantur universalia, per singularia in sensus in-
currentia;

Hujus inductionis summa est vis, & ejus con-
clusio inter alias omnes firmissima habetur, ideo
vocatur *παραγωγή*. id est quædam quasi conclusio,
eoquod præmissa singularium Collectione, invitat,
inducit, & quodammodo cogit animum auditoris
ad præbendum assensum (quasi velit, nolit) uni-
versali suæ sententiæ & conclusioni.

Hæc autem inductionis vis oritur ab enumera-
tione omnium singularium, æquivalet enim propo-
sitioni universali collectio singularium vel omnium,
vel sane sufficienter enumeratorum. Licet autem
non sit necesse, omnia particularia vel singularia
enumerare, sed sæpe aliqua duntaxat sufficiat ar-
tulisse, tacitè tamen omnium singularium enume-
ratio subintelligitur; nec dissimile exemplum pos-

se afferri indicatur; unde hæc est formula solemnis in inductione, nec potest dari dissimile exemplum, ergo.

Hoc inductionis exemplum vulgò solet afferri.

Vinum Gallicum Calefacit, vinum Hispanicum Calefacit, Vinum Lusitanum Calefacit, Vinum Rhenanum Calefacit, Vinum Italicum Calefacit, Vinum Germanicum Calefacit, nec potest dari Exemplum alicujus Vini, quod non Calefaciat, ergo omne Vinum Calefacit.

Hoc argumentandi genere frequenter utebatur *Socrates*, qui floruit sub annum Mundi termillesimum quingentesimum, eodem fere tempore ac *Plato*, sed post *Pythagoram*.

CAPUT IX.

De Sorite.

Sorites est argumentatio in quâ aliquot propositiones Connectuntur eo ordine, ut semper præcedentis propositionis prædicatum sit subjectum subsequæ, donec tandem in Conclusionem ultimum prædicatum addatur primæ propositionis subjecto. Ubi observandum tunc propriè *Soritem* esse, quando subjectum primæ propositionis in conclusionem repetitur, in quo differt à *Climace* quæ est gradatio Rhetoricæ, in quâ non Copulatur initium cum fine, hoc est in quâ non repetitur in fine subjectum primæ propositionis ut fit in Sorite.

Illustre Soritis exemplum habetur in quinta *Tulæ* *anaharum*, ubi probatur hoc modo illud solum esse bonum, quod est honestum. Etc.

Etenim quidquid sit quod bonum sit, id est expectandum, quod autem expectandum, id certe approbandum, quod vero approbandum, id gratum acceptumque habendum, ergo etiam dignitas ei tribuenda est, bonum igitur omne laudabile, ex quo efficitur ut quod sit honestum, id sit solum bonum.

Ex prædictis nunc patet *Soritem* esse quandam Coacervationem & Congeriem multarum Connexarum propositionum, quod & ipsum nomen satis indicat, *Sorites* enim Græca vox est à τὸ σωρός, σωρός autem Latinis est acervus & Congeries, sicque *Sorites* acervalis Latine posset denominari, ut ipsimet Ciceroni placet his verbis de *Sorite* loquenti in libris de divinatione. Si necesse sit, (inquit) Latino verbo liceat *Acervalem* appellare, sed nihil opus est, ut etenim ipsa *Philosophia* & multa verba Græcorum, sic *Sorites* satis Latino sermone tritum est.

In *Sorite* autem non est certus numerus propositionum ut in *Syllogismo*, in quo tantum sunt tres, & in *Enthymemate* in quo tantum sunt duæ non plures nec pauciores.

Vis Consequentiz in *Sorite* est legitima series generum & specierum in eodem rerum ordine, itemque Causarum & effectuum per se Coherens, unde vitiosi sunt *Sorites* cum Causæ per accidens conjunguntur cum effectis.

Quia à *Stoicis* primò putatur excogitatus *Sorites* ideo à quibusdam vocatur genus argumentandi *Stoicum*, in quo genere frequentes fuerunt *Stoici* & *Zeno* qui *Stoicæ* sectæ author & princeps fuit, sed maxime omnium hoc argumentandi genere delectatus dicitur *Chrysippus*.

Et hæc de his quinque argumentationis generibus pæce ac veniâ *Philosophorum* annotare volui, in hac orationis parte tertiâ quæ dicitur *Confirmatio*, utpote in quâ & Oratorem & *Philosophum*

præstare sedebat orator ad veritatem aliquando fortiter lacesitam, fortius tuendam. Quo fungi non posset feliciter munere, nisi prædicta hæc argumentandi genera ipsi sint ad manum nisi que ipsa calleat valide opponere adversario ac iis fulcire veritatem, ideo nemini Ingratam navasse operam credidi ea hic pertransennam attigisse, neque eo quoque nomine credam mihi quemquem objecturum meam me in alienam messem injecisse falcem.

CAPUT X.

De Peroratione.

Peroratio est extrema orationis pars, quâ vulgò oratores terminant orationem suam nisi ex abrupto desinere ipsis placeat, ut quibusdam tritum est ex abrupto incipere.

Hoc autem perorationi cum *Exordiis* commune intercedit ut scilicet brevis sit, brevitate tamen suâ debet præcipua orationis membra in se Continere, auditorumque per transennam memoriæ iterum exponere: hic enim Concisè repetit orator, quod antea diffuse exposuerat, sicque eisdem quasi videtur desinere (quibus inceperat) orationis capitibus; quod non modicæ utilitatis esse, & ipsa experientia satis probat, ac præcipuorum quoque oratorum testatur iudicium.

Et hinc est quod hæc ultima orationis pars à nonnullis vocetur recapitulatio, quia per Capita id est breviter exponit auditoribus, quæ ipsi antea

am-

amplè & fusè subjuncta fuerant; per Capita verò sive breviter exponit, ne videatur altera esse oratio.

In *Peroratione* autem si usquam alibi in orationis Contextu, omnes affectus Concitare, & in eum finem omnes Eloquentiæ adhibere vires expedit, ut auditorem quem jam orator in suas fecit inclinare partes, penitus eas amplecti impellat, & gratâ quasi cogat violentiâ, quod tum oratoris, tum integræ ipsius orationis unicus sinit, & est Scopus.

Epilogus.

Epilogus.

E *Thæc impresentiarum de hacce Eloquentiæ idea nec cho- ro nec foro non inutili; est enim chorenſis Eloquentia æque ac forenſis, utrique hoc convenit, nimirum quod omnis Eloquen- tia, ſive facultas ubivis diſſerendi, ſit effectus & quaſi Creatura parta longo & aſſiduo labore doctri- næ, unde incuſſum tentabunt Oratoria opera, qui non profundam ſibi prius peperint ſcientiam in- defeſſis ſtudiis, illamque quotidie fove- ant ſucco & ſubſtantia authorum magnæ famæ & eruditionis.*

De utraque etiam notandum eſt, Ora- toris authoritatem, magnum eſſe ejus Eloquentiæ firmamentum ac robur; im- mo præcipuum (ut ita dicam) ducem ad ipſi in auditorum corda parandum acceſſum, ibidemque conciliandum aſſen- ſum & fidem, quæ authoritas licet do- nis fortunæ nonnunquam & apud quos- dam

dam concilietur oratori ; præcipue tamen & magis ordinarie, integræ famæ ac vitæ probæ creatura est ; & ideo non differendo duntaxat debent imitari peritos artis oratoriæ studiosi, sed etiam vivendo æmulari probos, quod etsi utriusque Eloquentiæ candidatis conveniat & incumbat, sancti tamen Evangelii tubis ac præconibus omnino est necessarium, nisi velint (ut vulgo dicitur) aquam Cribæ haurire, ac vitæ demoliri, quod Linguae Ministerio ædificare intendunt, laborant. Labialis enim duntaxat Eloquentia in foro Conscientiæ vix quicquam nisi sonus est ; & præterea nihil, quique facunde disserere solummodo norunt, nec pie vivere student, auditorum dominantur auribus, nequaquam Cordibus, titillant affectus, refocillant præcordia, sed non movent Conscientiam ; adeo verum est pravos hominum mores multo melius Corrigi, & ad amussim Divinæ Legis redigi proba Docentis vitæ, quam aureo ejus vel serico Stylo.

Itaque qui uberes ex hac Eloquentiæ Idea fructus volet Carpere tum sibi tum aliis

aliis, fulciat eam & comitetur, primo bonis Moribus, deinde dirigat ad honorem & gloriam Authoris omnis sapientiae ac Eloquentiae Dei optimi Maximi, fontis omnium ingenii dotum, cui omnes humanae mentis facultates debent deservire, cui eas omnes debemus consecrare, cui tandem sit honor, Laus, Gloria, in totam aeternitatem.

FINIS.

pri-
ad
fa-
lax-
um,
de-
mus
aus,